

搗文諸僚唱酬

東省交餘集

申戊季夏活印

東省校錄集序

經山直函編東省校錄集既印

復要僕弁卷義敘述緣起掌故

文獻則竹里族婢之序已後矣

按揮藻田反瀆賞曠則思顧太

東省校錄集序


史之文至矣顧僕鹵莽何言之

可贅語然凡天下之事豈不有

本况於詩乎詩者立志溥信錄

中然後光輝發外初感於物者

雖有淺深之殊而取於言者必



得性情之正故曰思无邪此三
百篇所以為詩之本也此是集
也然乎聲律其趣則風花月露
之二也論其習則嘻笑嗔罵之
餘也其不與詩之本相去遠矣

東省交餘集

序

苟若是者有亦可無亦可又何
必新之為編哉然竊觀古法公
之詩其抒情而事興則憂之深
而通之遠矣其敦交而勉人則
忠可告而信可覆矣若是者豈

涉乎風花月露之間，不共三
百篇之本，而不害為君子之
為也。然則經山之編，是集又豈
曰法乎哉？雖然，志既言矣，予者
身之文也。君子之願，初之願言

東省校餘集

序

三

故其言足以文其身，其文足以
不朽於世。予未嘗有與，而
能為君子者，此僕與法公之所
宜惜，而兢之云爾。

甲戌孟秋楓皋金祖淳識



東省校餘集序

聖上十四年

正宗大王御集成校印之役，閱
二歲而訖。閣學士以其供職餘
暇，相與作為古律長短句詩，以

東省校餘集

序

道其志，此所謂羣居言談之文，
宣其底滯而忘其倦怠也。一日
余至院中，時蓮花盛開，清香拂
几，幔盆中魚鰕可暎，而數余手
杯而醉，悠然有江湖之思，遂和

諸公鱸字韻一首其後不能數
數作而諸學士之詩日盛得三
百餘首蓋其中與余為朋友軍
行者其詩類皆道健不見衰憊
之氣諸少年名士之作寧亦洞

東省校餘集

序

二

源於風騷禮製故不相襲其傷
者如鵬寧魚躍變化不窮自此
將搏扶搖徙溟海跳龍門而上
之皆其所必至也已夫詩發於
性情而世道繫焉余觀今人詩

未暇論意格句字之工不工得
氣盛而旨遠者然然而善惟盛
興遠詩之宗旨也治化之貴飾
斯可以驗余不但畏其多暇其
敏而為 聖朝頌也余今病且

東省交餘集

序

三

倦方謀歸休山中溪堂礪戶花
朝月夕回思詩酒追遊之舊迹
茫然若雪泥鴻爪來則展此讀
之丹黃點勘因以悲老者益老
衰者益衰後進之賢尤欲其待

而瞑目而恨不能見其人又恨
不能盡見集後之詩為我編盛
衰離合之際其必有悵然而太
息者矣終始收聚以成斯集者
鄭直澗經山之力為鉅

東省校餘集

序

四

思穎居士南公轍元平



東省校餘集序

上之十四年 命印 先朝御製一百八十四卷爲
全書取全書中詩文合附於 列聖御製舊編繼印
又四十二卷閣臣實承 命焉與是役者凡十有五
人首尾凡三百六十有二日而工始訖校讎之暇相
與往復得詩各體若干篇經山僚友惜其散軼欲收
而編之有問於余余答之曰凡天下之事今日行之
明日而尋之已謂之迹然事久而不忘賴有迹耳夫
今日之事不可忘諸則今日之迹惡可不收乎且吾
與子隨諸公後日集闕下詡詡相追逐不暫離則今

東省校餘集

序

日之所有事也而是編也雖出於嘻笑談諧之餘謂
之可尋之迹則是已今若列其姓名次其篇章而備
官聯之彙進致慕效之益衆如韋處厚所謂盛山詩
集固善矣以至他日丐恩歸老曝茅檐之暖日瞻玉
堂於天上支枕披閱以誇道於田父野老如歐陽永
叔之內制集亦可矣而况於展卷而如對面談傳家
而重講世好者乎嗟乎推閒忙之有時悟聚散之無
常識今日之勝事資後日之尋繹經山其與有力乎
經山其勉之哉遂書之卷首以相茲集之有成也歲
甲戌季夏下旬竹里金履喬書

東省校餘集卷之一

摘文諸僚唱酬

先朝御製印役告訖益切於戲之思聞鑄所諸
公有志感之作遂用其韻敬題

宸章登寶梓開局閱炎涼尚泣圖書府曾陪璧月光
攀函猶 御澤抽卷宛天香未死孤臣在欄花一夢

忙

金載瓚

石海

宸章壽傳曠世盛舉庶慰臣民於戲之思獨阻
斯役曾不若胥史工伎之賤孤負莫追悲恨交
積用楓臯前寄僕韻紆寸忱

東省校餘集

卷之一

未死攀弓淚餘生幾燠涼羹墻推 聖慕奎壁發休

光獨抱周南筆曾含漢署香諸公終事地那忍說閒

忙

李晚秀

園展

履翁太史獨阻監印之役用僕前韻賦示悲恨
之意遂同諸公敬次請正

何心叨是役未死更淒涼東省連空籞西奎宛舊光
腸銷銅化字淚灑墨滋香終事紆 宸慕母孤歲月

忙

金祖淳

阜楓

如在侍中日從容殿角涼 宸誠追舜慕微効捧奎
光銅鑄精新榻琅函宛舊香白頭餘未死同惜此時

忙

沈象奎

室斗

聚珍編 聖製經夏又秋涼夙歲承 殊渥多時近

耿光疲瘵當此役 咳唾有餘香校對如塵掃羣僚

慎勿忙

南公轍

頤思

宸慕梧雲遠分司畫省涼能忘不世遇重覩燭天光

眇暗編摩眼溫存剪貼香每朝知旅退猶復攬衣忙

徐榮輔

石竹

先王書一部憶昔意淒涼吾道明承統斯文賴有光

範銅羹寓 慕緹帙墨傳香終事慚無效羣公不憚

朴宗慶

嶽敦

東省校餘集

卷之一

二

雲漢爛盈架編摩閱燠涼 高明元造極經緯自成

光銅範曾 親覽縹函尙舊香 喬陵松柏鬱增感

李存秀

石金

歲華忙 流涕瞻 雲翰摳衣趁曉涼寓墻增舜慕丁冊仰堯

光百帙精鎔字千春不蝕香編摩宜簡潔昕夕敢緣

金履喬

里竹

鼎湖餘舊抱書局又新涼 聖孝追無極斯文永有

光忍看中祕字猶襲 內家香工隸皆輸力朝曠敢

道忙

朴宗薰

溪荳

追趨不敢暇青瑣及晨涼終事體 宸慕與聞滋

寵光秋毫皆造化 遺帙自馨香風樹餘私慟朝衣
尚憶忙 李魯益 樵

勘青抽祕貯瘦綠感新涼八伯賡雲舊三侯並日光
尊丌填玉版委珮襲芸香多病周南老猶應羨我忙

李龍秀 莊 館

十載凝 宸慕 陵杉露既涼簡編餘 手澤雲漢
爛遺光菁椽曾霑 化芸藜幸襲香殫誠惟是役夙

李光文 華 小

夜敢言忙 編校開東省朝衣對晚涼遺民弓劔淚 洪藻日星
光範字糝新繡擎函聞宿香恭惟 宸慕切夙夜敢

東省校餘集 卷之一

辭忙

鄭元容 山 經

感慕亶非一新刊際晚涼 宸章回彼倬 聖孝仰
彌光弓鳥仍餘淚縹緗宛舊香先臣誠未卒小子敢

李鶴秀 阜 丹

言忙

鑄所監印之役追後進參敬次軸中涼字韻
迫 先開校輯臨事益悲涼 聖慕星霜閱天章日

月光字仍銅舊鑄書搨墨新香末至慚無補奔趨謾
自忙 朴綺壽 完 谷

諸僚日會分司每於飢頃茶暇輒恣清談相娛
灘樵李公一日忽盛說楊根鄉居之樂戲賦一

律呈灘樵乞破嘲因轉塵諸僚同和

楊江流水似東吳更占荷花十里湖
菰碗咄嗟烹琥珀茶廚頃刻灌醞酬
手遮西日旋騎馬眼見秋風漫憶鱸
分付畫師須仔細鹿車新寫入城圖
斗室講家奇變歷孫吳壁壘休侵賀
老湖紫蟹登盤兼雪飯鳴泉入戶勝
清醞可堪空谷屏錢驕漫使諸公豔
翰鱸伸分有期斯便去肯將林壑夢
龍圖灘樵佳緣山水孰遊吳一曲楊
江視鏡湖幽種瓜清削玉名泉烹茗
冽逾醞堪誇野服隨班鷺漫遣鄉情
憶膾鱸從古何曾林下見山居惟有
子西圖葦館

東坡文獻集

卷之一

四

風流剡雪擅東吳喜子幽居亦上湖
龍峽香蔬當膾炙斗陵濃酒劇醞酬
流匙玉粒兼宜麥舉網銀鱗豈必鱸
但使松筠門不鎖知應勝似輞川圖
竹里勝地爭雄等蜀吳我家芝洞子
楊湖山樓雨過嵐侵席江閣秋生水
似醞雲自無心隨倦鳥風如有助憶
新鱸須思雅志求休早會待幽居入
畫圖丹臯出處殊塗似粵吳朝衣不
合話江湖鼻端詡吸相公醋頂上誰
施釋氏醞須及春生治杞菊詎從秋
後憶葦鱸閣中近借龍眠手畱與糴
成九老圖荳溪跨鶴腰錢孰在吳軟
塵還復夢江湖急流偶失修仙

永普濟須看施佛酬縱使嶽神呵怨鶴未應水伯出
新鱸臥遊猶管江山勝太史詩中有畫圖 小華

君道幽居似上吳人皆廊廟我江湖除書縱復慚丹
鼎法力終須吸玉醕故里畱期相挽鹿一官休道已
輕鱸平泉花石知無恙聊待春來似畫圖

福地生涯輒說吳誰人高臥縮平湖鷗盟難似求隨
壁蟻夢濃於飲佛酬潁水歸情空賦鶴秋風去後更
無鱸侯鯖蠟炬公卿宅漫掛烟江疊嶂圖 經山

戲疊前韻呈楓臯

公如大國楚兼吳故自吞江復吸湖兵合伐謀圍薄

酒佛何輕施費甘醕雨憐書癖時漂麥月為羈饒夜

出鱸獨喜睡翁行色好請君無笑促舟圖

太史乃有反嘲之作至以解銓柄出江上苦雨無月
夜泛敢與笑之向於江外雷七日之頃果類雨少月
而安知雨月不為我調護而然者此固無可議矣而
昔睡谷相公方判吏部偶春日訪友林齋不值見其
壁上有山居圖遂即日促舟還驪江此又灘樵家故
事得聞也所歎者楓臯為灘樵所要故怨薄酒之
管輕費甘醕之權使耶聊空
然受問苦醕不免輕施也

斗室

休思越甲每鳴吳一片揚州阻五湖雄辯饒君堅又
白緣機証我酪成醕也知屏翳曾漂蟻豈有姪娥直
為鱸篷屋覆罌重可寫何如挽鹿入城圖

公謂月黑
然後鱸可
為鱸篷屋覆罌重可寫何如挽鹿入城圖

楓臯

為鱸篷屋覆罌重可寫何如挽鹿入城圖
然後鱸可
為鱸篷屋覆罌重可寫何如挽鹿入城圖

更疊前韻題經山便面金石墨竹圖

蚓寫梅花辱老吳，鴉塗墨竹累文湖。侯鯖未必皆官，
繡村腐猶堪認佛。翻葉則翹翹，飼有馬竿非籊籊。釣

無鱸貴書糊壁，今傳法

古有一貴人昧書法而喜書，壁者病無乞書之人，或曰吾

方執搆居室欲求名書以侈觀，惟公筆足以當之，但無佳楮耳。貴人甚喜，遂傾儲索紙自書百十幅以遺之。居數日，躬訪或人，意欲觀壁書也。及入室，素壁無一語，其訝而亟問之，或人曰：恐公書之淪汙，故吾皆之云。納袖須嫌損畫圖

斗室

臨畫忽然憶趙吳，霜竿誰復入江湖。稽灰儘潔難為雪，酥液雖清未是醐。風柳堪憐縈亂蚓，秋蘆端合貫鮮鱸。手持墨筴終難棄，却愛新詩勝似圖。經山

東省交餘集

卷之一

六

筆法依然剪取吳，蕭蕭楚竹滿平湖。謎燈只欲爭盤

餅，嘗液誰能辨酪醐。葱笛兒童元作馬，蓑衣老叟欲

竿鱸。縱令納袖依糊壁，也是無妨壽此圖。

戲作墨竹於經山更

面經山詩以調之，有納袖長相隨之句，斗室仍以爲嘲。至以壁書反調爲譬，步其韻漫題，非欲解嘲，姑此受而安之耳。金石

金石用陶瓶貯菡萏，至閣中途以斗室戲灘樵韻賦之

解語端應解沼吳，清波萬柄憶錢湖。仙人渡海顏如玉，妙法名經頂灌醐。釀得碧筒宜飲象，斫來冰藕勝烹鱸。西亭舊賞今疑夢，恨未當時作畫圖。楓臯

絕豔元來產粵吳
鴟夷去後世江湖
荔枝苟可方瑤柱
菡萏元堪比玉翻
關尹真能開陸藕
幻仙寧恠致
淞鱸淨瓶花漏青
綾夜伴照金蓮
勝畫圖 斗室

錢塘江水本流吳
花種傳名著處湖
日照紅腮嬌欲
語露澆綠頂冷
勝酬晚香竝菊寧
媒蝶清味同葑定
憶鱸淨佛真仙
差可擬何人錯寫
浴妃圖 竹里

喜君風政勝如吳
十丈花從十里湖
色定妙觀凝紫
澆香名上味灑濃
酬墨描六角相皋
馬酌替三蕉殼
翰鱸供作琉璃瓶
子界會教當座現
浮圖 斗室不事
揮灑乃於

便面作墨蓮大有神韻是
日用花片酌酒故五六云

荳溪

東省校餘集

卷之一

七

輕檣畫棹夜歌吳
採採秋容靚綠湖
寶榻空花還呢
鉢淨瓶插玉却凝
酬清聯錦佩聞蘭
麝細引銀絲切
鱸莫惜顏華爭數
日孫師元有水晶
圖 葑館
雙喬誰使入東吳
數朶移瓶敵鑑湖
却謝淤泥吐光
焰恰如酥酪揀醞
酬莫將刺史兼要
鶴苟到江東不
管鱸何必臨池饒
衆賞亭亭花葉正
堪圖 丹臯
水蓮嘉種舊供吳
倚閣披襟宛澤湖
玉井題詩證冷
雪金瓶呪偈灑清
酬片衣紅濕疑交
蝶寸藕絲飛認
膾鱸堪笑石翁休
畫竹將名乞寫墨
花圖 是日斗室
太史戲寫

墨荷於楓閣樓面仍題其下
日金石寫故第七八句云

經山

不必錢塘獨擅吳盆池移作小江湖橋離淮上寧爲
枳酥到城中却是酬香步搖空嫌媚蝶粉粧照水入
驚鱸天然去飾宜君子灑落明珠極圈圖 小華

不勞移海遣天吳幻境名花自鑑湖提壺潔竝冰心
玉呪水清逾佛頂酬藕帶輕絲憐越女葉宜新釀憶
淞鱸西垣暇日添奇賞好伴蒲葵墨竹圖 金石

見西廳以小盆貯水莖一指寸鮒十餘游泳其
中復用前韻戲賦

誰其剗挹任彭吳杯水居然一片湖掌可運諸承似
露頂還戴得灌疑酬斗升易活堪憐鮒刀俎無需也

東坡文餘集

卷之一

八

勝鱸真箇童兒贏老子退之詩合寫新圖 斗室

盆池千里等三吳何處相忘不是湖幸免南烹飽齏
醃新添西決淨酥酬靜觀物理皆吹馬牽動秋心更
憶鱸莫笑窮鱗升斗活會須神化解鵬圖 菘館

裂碧跳青夜徙吳真成兒戲入孟湖石兼苔髮支爲
島泉汲溪心淨勝酬化物應搏千里翼循名誰夢四
腮鱸試看微月涵星處小史堪收咫尺圖 荳溪

認同翻海徙天吳自託盆池便忘湖數寸纖鱗浮貝
葉一觴煦沫瀉珍酬寧歌休笑猶藏鯉左釣何須漫
引鱸饒爾迴旋重累石更疑魚復浦邊圖 竹里

秋後清思幾入吳忽看魚戲宛江湖光洄石島涵星
 斗影徹冰壺釀酪醐樂意真同垂惠釣遠遊何必羨
 張鱸靜觀天理無纖巨佳句相傳勝畫圖 丹臯
 西垣嘉詠軼東吳魚氣荷香動是湖靈沼浮來鱗比
 玉禁川汲取水如醐微涵夜月渾成海解惜秋風豈
 獨鱸細數園漚歌綠藻問渠應識賞花圖 經山
 揣渠思苦季鷹吳陶沼其能捨澤湖誰爲窮途捐斗
 水深知法力勝孟醐人情應笑搶榆鶡風味何論上
 釣鱸荇藻未生游可數祇疑吹落右丞圖 楓臯

僕間有事苦久無暇久未至院其間諸公賦得

東省校餘集

卷之一

九

瓶花盆魚軸大如牛腰又有斗室金石之畫皆
 奇賞也僕近有止詩之戒經歲不作覽此衰興
 未可自由僅用一篇兼識并記。

芙蓉何獨擅東吳未信觀魚隔女湖香結散鬚當粟
 鉢露侵通窾比醍醐卽看佳客多如鯽空使秋風遠
 憶鱸笑倩斗翁聊寫意金樵休作萬竿圖 思穎

次諸僚聯軸韻

未擬行人自句吳徒聞張樂洞庭湖枯荷淨合修瓶
 史石公姓袁名宏道萬曆中郎喜瓶花著書曰墨竹
 瓶史瓶史具載花品高下位置宜稱今在其集中
 淳如品盜醐地理證明安市鳳方言注解渴臺鱸有古

一宰相少時讀書山寺見一老僧訓沙彌周興嗣千
 字文訓鳳為安市鳳大悟唐太宗所攻安市城即今
 之縣城也○余少遊仁安海上土人得魚謂以鱸魚
 俗名曰渴臺云殊非五口四腮胎之未甚佳未知緣
 何得曰松江
 嘉魚之號耳
 坡仙寫作巖廊像爭似人間游戲圖
 伯李
 時長發東坡省盡為巖廊像遊戲人間亦東坡語耳
 今諸公畫真皆緋袍鶴楷而消遣法則多出於遊戲
 云

竹石

斗室文丈取余手中扇寫一松孤姿峻標得於
 心而應於手遺去奇巧流入沖漠若有神於畫
 者翌日楓臯先生為題宿藁中賦松一句曰風
 霜閱盡堅於石鱗甲皆成動是龍乃敢步其韻
 作一律題其下恭祈郢正

東省校餘集

卷之一

十

豪端瀟灑寫高松空裏寒濤潑黛濃陰遍丘樊巢白
 鶴勢攀霄漢擎蒼龍有風不借蒲葵力此地羞為樗
 櫟容記取故山讀書處童年手植已齊筇 小華
 偶然墨戲寫孤松寫罷支頤少醉濃惟有心筋同鐵
 石虛疑鱗鬣似蛟龍欽峯歷落人應笑偃蹇疎頑俗
 豈容早擬從遊曾結願吾將何日理輕筇 斗室
 離離顏色落新松恰是天公水墨濃雲逗寒青來化
 鶴雨吹空碧聽饑龍傳神竹具千尋勢好事花呈三
 朶容想取詩情毫素外玉壺清月引輕筇 葑館
 寫松如竹竹如松似處要看淡處濃疎葉凝寒經雨

雪勁條拂遠動虬龍指端知有栽培力眼底翻成偃
 亞容彷彿風聲生澗壑天山不待道人筇 丹臯
 斗室先生本愛松寫之便面墨花濃孤顛盤屈疑巢
 鶴老甲嶙峋欲起龍筆力豈真參造化襟期剩得善
 形容何由添貌園黃跡落子丁丁駐短筇 竹里

休論似不是為松游戲神情寫墨濃筆下韓生無俗
 馬人中蘇子即真龍知君故有凌空意愧我殊非出
 世容歸去北山山澗畔寒濤起處共停筇 楓臯

不寫春花獨寫松惟其生澀恥為濃深知老幹堅成
 石未信橫枝走學龍黛色縱因豪下就長身難向袖

東省校餘集

卷之二

十一

中容如何去置寬閒野引得清風四皓筇 灘樵

誰能筆力寫長松雪却清孤雨却濃虛對翠深尋老
 鶴驟看鱗動喚真龍層峰秀石曾相識萬卉羣葩不

敢容我亦天台橋畔見濤聲尚憶五臺筇 古人誄畫
松詩曰曾

向天台山上見石橋南畔第三株余於畫
松便面題五臺舊見即天台詩遺意也

經山

山齋夜坐次李供奉紫極宮感秋韻今年正四
 十九也拜呈竹里老叔足下

青年竊未揆劬書期汗竹白首無所成尤悔寧可掬
 涼飈嘘玉宇耿耿抱靈獨晴月曉滿楹送我山間宿
 大夢雖未覺不疑又何卜古人貴不遠今是昨猶復

良馬馳終蹶，敝器虛勘覆。四十九年內，俯昂諒已熟。

楓臯

忽忽朱炎退，疎雨鳴院竹。感此節序移，幽懷淚盈掬。
朝起馳所務，暮歸守吾獨。候蟲入戶吟，倦鳥依簷宿。
四十九年覺行藏，吾已卜金丹。雖云晚白圭，諒可復
相期。勗明德，引杯戒盈覆。因之發清夢，湖海路猶熟。
楓臯太史次紫極宮感秋韻見教太白作詩之年公
適相符僕又加一然太白詩實用伯玉知非之語則
僕之今作此詩亦未為舛
也遂忘僭猥強拙請正

竹里

復疊紫極宮韻二首上楓臯先生求正

夕風吹涼月，參差影脩竹。阿誰發清想，天光如可掬。

東省文餘集

卷之一

十一

玉壺應更好，乘興夜行獨。鍾斷市喧靜，雨歇山靄宿。
幽尋却忘疲，良遊曾不卜。夔滌青蓮句，唯諾若相復。
珠投瓊難報，瓦鳴甌可覆。餘韻備故事，吟罷茗正熟。
自笑竹里客，興寄託於竹。豈無雲霄志，挺挺自盈掬。
而乏適俗韻，吾道貴行獨。渴匪貪泉飲，行不朝歌宿。
要津未曾問，蜀都何須卜。興公服如遂，退之志可復。
方朔隱金門，談諧窘射覆。懷哉雲臺老，千日睡方熟。

竹里

蘇李古仙人，秋夜偶聽竹。而今有遺韻，冷然不可掬。
我亦厭晝喧，寤言抱茲獨。庭樹老逾寂，癯鳥清不宿。

靈境適所遇幽期非自卜坐久離動靜吾心見其復
 昨夢如散棊是非何須覆想望壺中月澄澈天機熟
東坡山谷疊山皆以四十九歲和紫極洞僕於和此
 尚有八歲耳獨考劉後村詩有云嗟余長十年所居
 總三宿是五十九歲作也今以少
 八歲人用長十年故事不已僭歟

荳溪

澹泊淵明菊蕭爽子猷竹古人有餘馥會心如可掬
 林蟬忽驚露感緒起幽獨願言壺中月抱琴獨自宿
 愜意便良夜於焉勝遊卜清風吾所慕聞詩輒三復
 人事互閒忙世情多翻覆士禳遂初服斯道聞之熟

菘館

倦眠困暑雨湫喧厭深竹涼影忽掃夢窓月近堪掬

東省校餘集 卷之一

三

即因竹與月彌自懷幽獨我思楓臯老定在山中宿
 知君將何想室遠猶可卜今來讀君詩喜之欲三復
 我琴君已彈君棊我無覆不妨兩家竹對月同睡熟
八月十六日雨竟夕聞先生往玉壺山墅謂當無聊
 亦自索枕便睡比夜深睡覺月已映竹宿禽可數起
 步庭中意欲作詩寄賀而未果今入東省見先生伊
 夜所為詩殆古人所謂吾腹中言遂忘遲拙次韻呈
 斗室病生上楓
 阜先生吟几下

斗室

撼撼垣畔梧颼颼埤間竹白露靄長空秋光清可掬
 禁省度良宵懷哉疇警獨楓翁發清想玉壺携月宿
 適意恣所賞茲遊亮不卜勝躅縱難攀嘉藻猶可復
 長懸玉峯月不隨雲翻覆公詩輒如期久與月相熟

經山

敬疊前韻志懷

早歲弄柔翰竊擬垂青竹織綺未斷匹掇英不盈掬
所期違夙昔深省起幽獨歲月一何迅彌瞿無歸宿
羞爲曼倩隱久厭君平卜安分齊得失探理觀往復
韞珍積不沽騁轍戒存覆獨抱涓埃愿夷險講已熟

經山

丈人有林屋蕭蕭數椽竹牕下金屑泉冷然味可掬
有時掃白雲石竈粲黃獨此間樂意饒詎但戀三宿
是非誰能定行藏我已卜未老方是閒初心今乃復

東省文餘集

卷之一

十四

清詞託古意惕焉敲器覆吾且及公年卷懷講自熟

小華

我山本多雲我屋仍饒竹古人不可見浩思若相掬
冥棲寡追尋淹病抱幽獨金閨躡俊彥蓮鑣遞信宿
行藏互隨時詹尹休煩卜晨夕服先訓孤懷耿往復
塵壚易乾沒雲雨每翻覆拙直存吾道世情諒已熟

丹臯

續呈竹里老叔先生

笕泉響石槽醒耳勝絲竹潭影涵畫圖雲巒俯堪掬
何來一異鳥窺窓喚幽獨有書慵未緝自知浮念宿

感此清淨居售爲我所卜張生哀已矣珍重無地復

王並本姓張人所居甲子余從張生請買 蘧蘧周蝶

張生許之遂移去年前作故每念之悵然

楓臯

夢枕欄屢翻覆日午童子言山廚飯已熟
朝進怱怱先退歸猶茹悵諸公亦皆在座否小
饌數器送呈但以一詩勿論絕律若各賜賦送
則庶幾賴諸公之靈得以識此日於來後則不
惟不佞之光華萬丈抑亦藝林之勝事也未審
如何右楓臯醉辰所贈書也感誦飫嘗之餘遂
與諸寮共賦

應是星辰河岳來 兩朝文武出羣才
醉盤綺食情

東省校餘集

卷之一

五

相贈既醉從今幾度杯

我家是月屢河清積慶萃邠特地榮願言遐福厖眉
古長記康衢鼓腹氓

賀醉何人畫五湖端宜來去任飛鳧絳實仙桃盤似
月爲公須寫極星圖

竹石

點檢雲篇逐日來當年同是侍中才今朝偶值公生
日恰好傳嘗禁裏杯

金馬西鑾不足清文犀繡韞豈公榮合將何語爲公
壽長護官家惠此氓

謳歌聲匝放生湖重喜家肥詠藻鳧願將王母三千

實賽却雲臺四七圖

竹里

雨餘南望鶴飛來擬賦新詞媿不才
糝鮓釘糕偏厚意晚衙遲却引深杯

中元秋入玉壺清山色松陰滿四榮
莫把五湖圖幅獻知公志在澤羣氓

放生端合鑿官湖來燕應多誦渚鳧
此日為公宣善禱莘塗儲福是遐圖

荳溪

前身無問是如來文武當今嶽降才
明日中元嫌却早壽星八月大於杯

饌既肥甘酒復清寮歡皆飲勝公榮
為何不飲同扶

東省校餘集

卷之一

十六

醉自是身如一社氓

尊羹元未豉鹽湖泛泛吾非食粟鳧
飢且一邊還覓句寫成和靖嗅梅圖

昨者楓臯先生覽揆之辰聞分餉
醉盤於東閣會校諸僚而僕適不赴會
不獲同嘗竹石太史為謝詩三章今輒次韻以識不食亦飽之意

斗室

知公厚德福攸來紳笏朝端大受才
星彩岳靈初降日為畱諸案送深杯

如雲珍饌玉壺清家祿長隨國祿榮
更願秋來登百穀村村醉酒醉羣氓

身雖鍾鼎意江湖每說烟波泛泛鳧
為壽獨慚無可獻秋風自寫野居圖

灘樵

紫極秋清竹韻來北窓幽夢發詩才願取長青青玉
色爲公添瀉壽筵杯

丈人心骨出塵清珍重遐籌葆衛榮長調玉燭承
明主且乞金丹壽庶氓

孤鶴南飛夜過湖誰人小櫂迅輕鳧欲寫遺聲明月
在玉壺清讌合新圖

菘館

國之元舅閣之老文武于今一代才玉樹華堂歌醉
日 內家擎出紫霞杯

壺中日月際三清况又塗莘地分榮世世家 邦休
戚共願言公壽壽斯氓

東省校餘集

卷之一

十七

公將城市視江湖不必求丹泛鳥鳧太乙壇前新洞
府坐間高掛列仙圖

小華

北山松月伴人來公在明廷未展才東閣諸公分一
醉巖泉釀得睥筵杯

玉壺流水滿心清元舅之尊不自榮報答昇平非止
此有誰壽域庇斯氓

清秋歸夢在江湖來去無心等鴈鳧待我弧辰何以
贈知公爲寫出關圖

金石

盤花旋發一春來東閣分嘗廁不才覽揆令辰回是
日故推眞契憶同杯

南斗昨宵宿月清外至聲名豈爲榮知公贏得圭璋
盛願遺金丹壽萬氓

應將華學借寒湖也識門闌樂藻鳧劍珮星辰隨皓
髮他年傳看耆英圖

丹臯

冠珮踰踰趁卯來校書東閣列羣才南飛鶴帶丹箋
字知是先生醉壽杯

每年秋色玉壺清長對兒孫舞綵榮多福老人心德
厚餘林分醉太平氓

荷盆貯水碧於湖閒對巢龜與唼鳧堂上厖眉元舅
老者英他日寫新圖

經山

東省文餘集

卷之一

十八

忠孝文章有自來當今宜仗濟時才得如公壽知何
辱笑倚兒孫進百杯

國舅衣冠職又清授經爭道似桓榮如思獨善非初
志宜致吾君及庶氓

隔斷風塵有小湖壺中時往弄輕鳧諸僚詩卷光初
度洛下爭如甲會圖

思穎

八月廿三卽僕懸弧之日也家人具酒相勸遂
分饋于閣中諸公諸公爲賦詩相賀祈頌之辭
多非愚鹵所敢安然滿目瓊琚實傳家之上寶
也謹次其韻以識感佩之誠云

堂堂四十九年來自顧何居才不才贏得家人治湯
餅眼前環坐勸含杯

鮑庾高才俊且清新詩賀醉不其榮昇平本自羣公
力願作人間醉飽氓

餘生會欲畢江湖來去朝端亦鴈鳧但使文淵携此
卷雲臺何恨未登圖

楓臯

東廳直夜疊涼字更賀楓臯先生晬辰

清塵戀餘誨華樽趁晚涼會茲生日賀彌見暮年光
鬢髮千翻浪衷誠一瓣香欲將嘉頌獻還媿覓詩忙

菘館

東省校餘集

卷之二

十九

另用年字附楓臯先生晬辰帖末

與公一歲較行年公惟位德盛在前王掾是叔固癡
耳夏侯惟少乃卓然明公國家之柱石若周公望漢
文淵豈但地比爲肺腑曾事 先朝冠右賢白晳疎
眉趨禁闈風采顧眄誰能先龍馬出河鶴過海白露
初溥月再弦是日又在東省裏却略家中辦華筵滿
堂賓客遲軒駕且與仙僚話清緣鳴珂退食日將晚
停箸恨不同擊鮮厚意分甘與我食數夫持來賴擔
肩粉餌雪糕淨割蜜骨董南羹煖生烟咄嗟眞成良
宴會開樽列坐當秋天府中掾史傳勝事餘啄縱橫

飫流涎只願勞謙君子德壽考飲食長周旋

竹里

效蘇長公贈張子野體奉贈經山請正兼乞瓊報

春秋猶謂有人焉外氏吾家子又然才似廣文官不
冷博如通志學能專鷓鴣已續新篇美書帶應餘舊
葉鮮御史聲名丞相業他時莫讓漢唐賢 楓臯

楓臯先生貽近體七言期勉甚摯受言莊之敢
此缶和

公所贈詩三復焉我於詩語一其然家聲傳世還多

東省交餘集

卷之一

二十

忝經術分門摠未專豈有才名垂勸獎祇勞崇眷荷
光鮮幸遭熙運偏 洪渥獨是葵誠與衆賢

經山

次韻楓臯效東坡寄張子野體與經山如康成
夾漈已經楓翁所道者並不疊引

玉龍鱗角夢於焉可但諸公爲翁然南北相君家獨
數簪纓詩禮美雙專履聲高曳輓花豔車轍行尋畫
鹿鮮谷口清風欣入座卽今人瑞孰如賢 斗室
斗室太史次楓閣韻俯贈輒此和呈而前冬灣
上之遊常黯然在懷并及之

邊門傾蓋喜於焉追憶當時却惘然白雪梅花鄉意
遠芳樽銀燭客宵專如今更續陪遊盛使我長看秀
句鮮領取殷勤期勉意深將策勵踵諸賢 經山

經山纔經監試試役而歸家陪過萱闈壽辰和

楓丈韻奉賀

當世歐梅孰尙焉南宮風月畫蒼然採珠輿誦關河
在倚玉清標翰墨專朝佩仍將萊服舞壽杯還汎菊
花鮮欲知榮養受 天寵冠帔終酬慈母賢

葑館

葑館詩久未和呈葑館近久告病阻想甚切遂

東省校餘集

卷之一

五

步前韻呈上

問余何憶憶君焉東省歸時輒黯然多病常憐形貌
瘦學詩曾許門戶專如期素月還相訪底意霜花獨
自鮮遙夜不禁吟望恨交情始覺友生賢 經山

秋思詩屬諸僚

秋思屬新晴悠悠盈宇宙晨起涉園圃霜露沾衣袖
墻間敦老匏衰蔓連棚荳菂柳無意緒叢菊日獨秀
衆物各有初吾生安所就悵悵西山色宛如人面瘦

楓臯

秋思日窅冥白雲馳碧宙翹首忽遐竚寒風振襟袖

叢條隕黃桑枯莢零素荳悵睇西山爽松柏窈隱秀
歲暮道云遠余懷將焉就濁醪聊自持人比黃華瘦

斗室

秋思不可攬浩縹窮宙豈如手中扇卷舒從懷袖
涼颿日以厲霜氣著黃荳金菊只自香百卉不復秀
時運競回斡盛年難再就抱膝西窓下天寒竹聲瘦

楓亭詩題斗室便面斗室

詩題僕便面故三句云

竹里

秋士多所思杖策倚空宙有風起將夕皓月生衣袖
壁上棲寒蛩籬下委霜荳時物已如此靈芝竟幾秀
汨漑水流去酌之庶可就孤松與爲期顏髮似我瘦

東省交餘集

卷之一

三

淵明感時運賦詩寄窮宙我獨味其餘寸卷常懷袖
涼颿一夕至田園斂杞荳山容未自媚林外出新秀
宵宵大盈虛歷歷小成就古人不可問念之使我瘦

荳溪

徂序易爲感廓獨睠曠宙草黃白鴈來霜氣侵人袖
檻隙尋鳴蟹棚下拾零荳賴茲城西宅有苑珍木秀
流光儘如許我道將安就金丹計已非顏髮日生瘦

灘樵

曠懷委混跡大道期窮宙緒風欵易感動搖人懷袖
逸翮倦羈籠老馬戀棧荳蘭省廁羣彥摘藻競標秀

交契敦衰暮持操愧遷就道義固所欣清虛亦能瘦

竹石

秋露為朝霜素華汎晴宙芳滋日以歇幽感欲沾袖
矧我嬰沉疴半生饜稜荳流景過二毛初志拊三秀
繁慮滯中襟永夕眠未就悄悄數叢花相對耐寒瘦

小菘

秋序倏已逝浩思彌窮宙聽漏輒晨起霜露滴我袖
緬憶靈芝屋如雲剩黍荳蘭逕要相通桂華空自秀
拾芳為潔佩退然新懦就壯年志曼曼寧歎臨鏡瘦

丹臯

東省校餘集

卷之一

三

仕進日簿聯句

斗室 小華

竹里 經山

荳溪 丹臯

菘館

首列材非棟如屋為置穩斗雙隻赴日趨尺五知天

近竹畫紙象區井繫日仿會運荳及夏涼須赴抵冬

寒可炊菘書識程課嚴隊隨筋力奮華浹旬分試燭

差朝記內醞經先人如入郢復我肯在汶丹及夕吏

旋畫赴朝隸豫問斗赴卯懷靡及盡酉慮猶償竹記

課企湯新進勇排賁斗值空篲歎虧課仕車屢技

期會須殫竭塵冗宜除華對八眉如畫分耦肩

相儼經序次方鑿鑿勤慢眎斤斤丹羣公晉競齊愧

我魯附鄆斗相期爭淬礪常恐雜塵坳竹歷落六花

陣混同一字韻註 宮張謹律度玉振戒瑕璽註 躔錯

聯星綴窠分貫珠暈華 大小味休較三千滿稱分經

秩然分周田畫如列秦郡丹 蜀方點碁布井比描藻

蘊斗 賜沐嫌漢告陳力勉周訓竹 勤自隨驢踏誠豈

求鶴聞註 朔晦計盈朒富儉殊貉緼註 未必較孰多

聊且示不紊華 卞題人并美鑄字所舊有卞春亭諸人題名記 李聖

吏忘忿經 ○玉堂故事諸學士替直館吏必先請番一日吏遍歷諸家不得請至夜風雪大作

吏立路中忿罵不已時梧里李公為校理吏往請之公即許之吏出門怵驪曰李校理真聖人 銖累

期科盈竿步勉工攬丹 間間病實悚進進勞詎愠十

書必循鴈序期若限豹隱竹 張高紙不羗題疊墨有

東省校餘集

卷之一

三十四

近註 範驅同齊力應響如理鞞註 身當奉塵刹勞不

辭跼蹙華 月計符胥會日省依學溫經 終事惟是役

躬瘁寧自靳丹

九月二十有二日蒙 恩頒 真殿餽果蘋婆

一盤感飫懷核之餘諸僚遂與鬪韻聯句斗室竹里

小華 經山 丹皋

嘗餽感斯朝珍果久錫貢斗 苞舊鐵驛遞味新鞠旭

烘竹 滂雨珠絡點飫霜銀線控華 品列周蘋薦 賜

霑漢柑送經 濃軟宜細噉團圓堪把弄丹 橘無變踰

淮荔猶鮮馳瀆斗 烏裨猶奴僕朱柰差伯仲竹 嘉種

因地靈豔藥冠卉衆華培根辟匿戴護藩防啁鷓經

爛比珊瑚實香隣葡萄甕丹登籀愴文歌分槃捧禹

糴斗思嗜永斯慕薦褻非所諷竹正席均賞玩懷核

戒喧鬪華脍李詎遮映凡菓胥惚恫經清逾瑤漿吸

爽若寒門狃丹膚映華虹暈卵濕頰虬霽斗甘嚙秋

刺蜜冷嚼曉含凍竹上實侈玉井南產並蘭棟華詭

訣滌河渚嘉號徙丹洞經千壽植猶澀三宵棗還佃

丹蘋婆語誰譯文官名足哄斗聲價慣林秀譜繫徵

禽哢竹雷喝病欲蘇析醒飲可痛華剖劈合芸馥清

潤攪茶夢經物愛經時珍品豈釋名薈丹桃探曼倩

東省校餘集

卷之一

五

袖櫻帶摩詰鞞斗瓊瑤難報瓜琅玕愧飼鳳竹嘉頌

方洋洋蕪才奈空空華德飽歡何極公退意莫億經

感今仍憶舊詩就且一中丹

餽果有蘋婆及柚子而斗室先生先賦蘋婆成

聯句是夜次聯句韻賦袖示諸僚

百菓珍柚子久自維揚貢色染金飈爽氣稟炎雲烘

摘熟筠籠盛旅實郵蹠控禮薦瑟瓊偕恩頌羅帕

送剩馥蘂荀嗅駢顛璣琲弄舊籍擅句越新姿豔湘

瀨橙柑同父祖榼梨詎伯仲終南名始編建春種尤

衆清滋鴈陣啜芳肥鷓雛鷓金圓笑彈丸盧酸羞酢

甕氣味自瓊漿雕飾豈霜糶歲晚感柳懷香冽寓屈
諷睠茲值蕭辰公居閒塵鬪抱細憐病喝覓果諳羣
恫芬挹朱苞降爽逾長風租全剖訝嚙露半破驚曙
竈煌煌纈黃碧離離雜乳凍楚興含玉薦杜賦緬茅
棟悅侍蓬萊殿如入芝蘭洞烏裨味全失馬乳品還
拙懷核恩光詫分盤笑語哄黃衣供佩賞繁馥引唵
哢涎津嘗初怯齒冰嚼逾痛物嘉發秀句神清警慵
夢區別候可徵題品語非菅剛喜携香袖遮莫催歸
鞚獨吟斟尊蟻閑坐對池鳳我詩堪補缺斯言詎鑿
空瓊報冀珍重蕪辭愧倥偬願續蘋婆咏將此意復

東省校餘集

卷之一

三六

中

經山

斗室文丈以內局提舉監煎作北城行覓荳溪
橘酒畱飲菊下仍有贈詩約矣翌夜適宿東省
作山中三疊以秋色夜烟略做連環意是直廬
卽景也仍屬諸僚次之馳呈北城行憶

淡烟微月菊花前橘酒香畱昨日筵忽念山中人獨
酌滿撈秋色染清篇

楓林秋色日崢嶸高處遙連漢北城始信山中真有
宰星辰今夜最分明

始信山中真有宰卽斗室近
作爲余爾傳者輒此引用

風清露下夜冷然畫省燭殘人未眠料得山中回首

處流鴻數盡禁城烟

竹里

丹廚瀟灑萬峰前
隣近蓮龕護法筵
七日功圓歸袂重
坎離抽得伯陽篇

滿山詩色忽崢嶸
不盡秋思在北城
但覺句成無誦處
風霏纔斷月分明

近聞地肺發泱然
枕下泉聲枕上眠
肯許人間調水信
茶童候火起新烟

荳溪

澹月疎星畫省前
酒痕猶見菊花筵
遙憐此夜山中客
一枕泉聲寫幾篇

寒山木落歲崢嶸
天末鴻歸一片城
丹竈不容塵劫

東省校餘集

卷之一

三

夢蓮燈徹夜照龕明

別懷秋思兩淒然
鐘漏西清獨未眠
却憶當年携笈處
上方喬木已寒烟

灘樵

泉石居然在眼前
誰知身自校書筵
平生不誤黃庭字
丹訣無勞講舊篇

秋天星斗倍崢嶸
人在白雲峰上城
對此黃花誰與飲
佛燈惟許照心明

泉聲嶽色只渾然
月又明時定未眠
酒到半醒詩一首
不知山外有人烟

小華

重疊雲巒拄笏前
坐來紅葉錦成筵
清秋去作山中

容掃石題詩有幾篇

孤鴻落木意崢嶸欲折黃花寄北城為想枯僧又拜
路筍輿遠入白雲明

秋風衣袂御冷然一上雲臺幾日眠知是松陰仙鶴
避望中青繞鍊爐烟

丹臯

我思流水白雲前鍊火經燈照法筵廬阜老僧應見
識山房更許錄三篇

寒禽亂葉夢崢嶸獨抱秋懷在北城鶴觀天壇非別
界叢林水月本長明

鐘歇僧歸意嗒然齋壇晴晝掃雲眠山門玉帶無施

東晉文餘集

卷之一

完

處祇對香爐起縷烟

經山

拈唐韻題謙齋柳艇垂釣圖

畫身兼妻子都三口鶴與琴書共一

船句

短篙容與拂烟梢柳染江光漫綠郊菑魚嗅縉香吹

素嶮鶴窺竿影俯丹翹斗室舷頭洗酌婦還趣篷背敲

針兒更嬌竹里青翳不愁歸去晚芳洲過雨任瀟瀟灘樵

暮渚輕風拂柳梢明沙十里近平郊短舟著嶼魚機

靜晴嶽絕塵鶴首翹城裏亦非佳處少江干倍惜晚

春嬌始知漁子多閒趣真景描來政灑瀟菑寫

溪人春曉望烟梢復逐溪流出遠郊杜艇畫乘妻更

引林湖遠載鶴孤翹纖鱗鱗絮藏磯穩細浪吹絲挾
岸嬌爲愛畫家用幽意故將蓑笠帶瀟瀟 經山
乍揭篷窓弄碧梢春山一半草連郊江光向暖魚游
穩嵐翠搖空鶴唳翹此老豈眞忘世薄有妻還又抱
兒嬌少風波處機心息倦把長竿夜入瀟 小華
晚來春意上輕梢離外清流漾綠郊吹浪纖魚游更
穩近檣孤鳥影偏翹濃陰滿地微風轉遠翠撲衣晚
景嬌寫入顧廚神遇境擬從幅裏聽瀟瀟 丹臯

初冬六日東閣校書於古經中得燕蝶魚鴨一
小牋何人題滿洲永公福用五作吳興竹枝二

東省校餘集

卷之一

三九

闕云香雪西崦處處栽終朝結社賞梅來兒家
門戶敲不得畱待月明人靜開練裙如雪浣中
單二月風多草色寒片雨過窓紅日現家家樓
其下缺四字詳其筆意槩有江南人風韻殊可
愛遂相與足之曰上捲簾看云荳溪戲書數本
分贈竹里及僕亦是韻事輒次其韻呈竹里文
丈請和

畫鴨牋香崦雪栽何人謾寫竹枝來兒家一種風情
別思在月明花正開

白雪吳詞詞不單墨痕猶帶豔香寒壁間涼雨舊詩

句戲作臙脂濕字看

經山

兒家牋滿人梅詩也經山僚友甚愛其詞題詩
求和戲草却呈

西崦香雪有誰栽迷月偷雲碧海來自是春光容易
漏重門休信不曾開

細字花牋摺疊單輕珠箇箇弄春寒多情却惹相思
夢直作江南折贈看

竹里

灘樵新居畱飲○三山

灘上閒人捲釣來城西卜築暫徘徊淹畱知有人投
轄窮僻那無地起臺尙記卿家丞相擢欣推同閣校

東省交餘集

卷之一

三

書才年來不事金龜典今日逢君倒十杯 竹里

酒熟君家喚輒來梅前竹下與徘徊參尋久厭居城
市幽曠堪忘近省臺投轄聊知申舊令吐茵曾荷借
微才難逢開口成三笑到手無辭卷百杯 斗室

自愧灘翁捲釣來緣何不去久徘徊清朝呈課泥侵
障中夜孤懷月滿臺幸託周旋敦宿契先推文雅仰
高才城西歲晏無車馬分外相尋稱數杯 灘樵

灘樵宅會做晶飯蓋謂膩滑紫潤如水晶也諸
僚有約同嘗而未果是日聞斗室竹里會灘宅
飲甕頭春僕又未與焉遂呈一絕以道悵羨之

意晶與晶字相近而真成飯也毛故用坡翁故事云

誰知三白幻三毛故遣蘇翁一著高可羨甕頭春獨好竹鑪梅閣共持螯

荳溪

晶已作毳雖屬可歎甕方醱醅稍可自悅所可恨者畢卓既不解偷眠公榮又不得飲勝瓊韻飛墜鼎誦增歡輟杯輪筆工拙再不須論

萬事真令等一毛麴生今覺力量高甕頭正被梅花勸恨未同嘗左手螯

斗室
灘樵
竹里

南至夜與小華丹臯會飲次竹翁寄灘丈韻轉

東省校餘集

卷之一

三

呈諸僚

日與君期我屋來黃昏山徑共徘徊朝儀引出承明殿雲物書登占史臺雪意管懷饒酒戶梅香逼骨損詩才晚收碁局催歸騎檐角珠星大似杯

經山

灘樵昨日之飲僕不得與今日灘樵携酒而僕忝據右席卒飲作主故云

曉出昏歸曳病軀為私乎否為公乎高軒坐付街人議應復他心恠似吾

地底潛陽初動雷人間快樂共含杯與君今日成佳話萬事從新叶吉來

灘翁佳釀擁梅深
豈叟流涎費苦吟
堪笑楓壺身只一
公榮做了又羊斟

楓臯

謹次楓臯至日吾字韻

梅屋松檐寄鶴軀
清閒福分孰多乎
不須更問街人笑
身世還應兩忘吾

身同寒蟄未聞雷
病畏騰潮又斷杯
賴得公詩梅下讀
清思不負暗香來

匏泉酒味與交深
獨許諸公恣醉吟
敢道乾餽歸失德
堪憐病渴戀芳斟

菘館

吾儕陸陸摠全軀
領略平生笑矣乎
對酒不須長太

東坡文餘集

卷之一

三

息如今江左有夷吾

九陌車聲轉曉雷
賜霑門下遍深杯
差喜今朝陽復意
好題新頌玉壺來

有客不須論淺深
有詩便可自長吟
羣公近日閒機務
何事當尊更細斟

竹里

騎馬聽鷄任弱軀
瀕陰貽笑亦云乎
只堪塵刹明時報
千萬人中知有吾

地底殷殷半夜雷
春華先入賞梅杯
天心無改無移處
亨德應須履大來

鄉黨一樽坐共深
西清獨夜病空吟
誰能記得文園

渴送與佳香細斟

丹臯

山雨吟病有懷諸僚對校之役遂用年前唱酬
之韻賦呈斗室兼示左僚諸公仍乞瓊報

早雪融爲晝雨紛山居寥廓倍思君藁檐梅冷獨吟
病芸閣香溫誰校文末路齊名慚李杜高才華國讓
淵雲匏泉臘蟻應畱味寧復寬懷共一醺 楓臯
近來人事苦紛紛到老交情獨數君平日頗從無鬼
論閒時不作送窮文詩成夢後驚塵雪思入空中欲
釘雲試把寒梅商氣味一花一字兩酣醺 斗室
梅邊昨日醉紛紛擬折梅花欲贈君恨未巡檐同索

東省校餘集

卷之一

三

笑可能把酒與論文興來有棹寧無雪到處爲龍復
作雲戲趣尙書期不負開懷畱待十分醺 竹里
山半高居絕衆紛庭松門柳似徵君蓄梅晚作中心
友多病仍看出世文校席爲傳燃杖火郵筒持贈入
簾雲匏泉定屈先生飲肯許公榮醒亦醺 荳溪
清絕壺中斷俗紛病餘願適政宜君幾日香爐違伏
枕暮年初服謝移文寒入松聲宜聽雪倦知鶴夢不
離雲同病少僚空悵望對梅孤飲未成醺 葑館
歲闌情緒劇紛紛一事差強有麴君會意數人乘暮
雪賞心千古話奇文故山措置畱叢菊浮世追隨任

片雲高軌儻尋深巷轍梅花未落取重醺 灘樵
久宦翻看歲色紛涓埃無報愧諸君許心敢託蘇黃
契過眼欣披鮑謝文飲約梅花仍爲雪詩從山屋不
禁雲甕頭先漏春消息未到灘家意便醺 經山
歲暮天寒百緒紛西軒笑語賴諸君求衣幾待三清
漏聯璧慚無七子文稷下梅樽憐暮雪壺中松月悵
停雲應知公退優閒暇更把流光付一醺 丹臯
朝雪赴闕車上望見斗室屋角用東坡韻口占

賦呈

紙帳凌凌曉氣嚴乾坤淨合絕塵纖抱書已得孫康
燭覓句旋思謝萬鹽玉蘂欺春爭繞樹銀釵耀日忽
垂檐出門更切山陰興先望夫君小屋尖 楓臯

奉和

敲窓點箔響纖纖凍枕頻驚曉氣嚴鵲喙連聲誰抵
玉梅酸澈骨早釐鹽接隣易辨詹烏屋待客渾迷放
鶴檐明鏡不須悲白髮報君無復數新尖
破屏撇撇隙容纖臥笑袁家失戒嚴吉貝催分貧戶
絮水晶新賜帝廚鹽翩翩玉蝶初沿砌撩亂梨花已
舞檐獨愛寒叢牕下竹不因摧壓夭句尖 斗室
斗室先生謂僕前用東坡雪韻原係一韻兩首

次投二篇命僕足其一謹遵其令恭請斤政

片片聯泡雨點纖誰裁六出玉莊嚴湘舟戴笠應垂
釣殷鼎調羹自足鹽甑破臥僵蘇武窟梅飄巡笑少
陵檐看君寫景無遺力刺骨詩情過筆尖 楓臯

歐蘇詩令復誰嚴健筆空花鬪巧纖色色形形欺羽
玉香香味味化梅鹽分明易愛烏飛屋信息先通鶴
報檐看取楓松俄問訊相傾意氣雪峰尖

斗室一號松安

竹里

透簾拍帳響廉纖風鬪寒稜勢轉嚴散盡空花還淨
佛收歸衆色失媿鹽檜枝低覆流鱗瓦竹影虛窺宿

東省校餘集

卷之一

五

羽檐太史先書三白喜四疇深護麥芽尖

玉女驅車縞帶纖驚颺乍息凍雲嚴党娥黠語論茶
水歐老豪詩戒玉鹽恣意瘦梅橫半閣掩輝殘月逗
虛檐朝來禁省傳光誦句在松安畫拱尖 經山

拈唐韻共賦

歲暮閒思稍稍生省居幽僻息羣聲高詩分壘懸強
弱晚契同窓洽弟兄野屋琴書違夙計仙樓珂馬愧
浮榮梅開酒熟還聊爾外物浮沈肯問程 經山
歲暮幽懷白髮生時從省友寄同聲興來對酒無賢
聖坐處畱梅似弟兄漆簡校書誰數向金章稽古遠

慚榮微誠自效知斯役退食低徊赴課程 竹里
談笑旋消鄙吝生但愁促漏報申聲酒惟是議梅爲
婦茶以其甘露有兄中祕校書真媿向 聖朝稽古
孰如榮餘生幸與無能役檢字常憂不中程

斗室

歲晏陽從雪壑生坐來喬木尙寒聲深山有屋宜君
子東閣編書共弟兄酒獨熏人含淡泊梅應待我笑
浮榮恭知趨走爲斯役日入金門亦課程 薙館
浮世一歡足此生僚窓談笑盡同聲蘇翁愛飲誰能
敵杜子耽詩我所兄茗熟差遲評畫品雪飄的歷較

東省文餘集

卷之一

三六

梅榮歲寒白髮真堪惜萬事酸醎各有程 荳溪

斗室過飲灘樵宅翌日赴公拈唐韻示之促進

醉歌行率爾仰塞

昨日我醉臥君門君亦醉臥山日昏今日追憶真堪
笑我醉君醉那重論喜君買屋青山北雪中相報梅
消息言招我朋訪君居幽篁古松清生臆談笑歡劇
勝歌舞向君索醉君不苦紛紛聚坐梅花前莫教梅
花落如雨常憐世上男子身百年汨沒走紅塵眼前
自有無窮事一生得意竟誰人嘗聞玄圃種瑤草恨
未早學長生道鐘鼓饌玉雖云樂明鏡白髮須臾老

惟有痛飲副腰圍此尊不空我無歸歡呼不妨汗車
茵酣倒何惜典朝衣君家甕熟更經營聽我醉歌歌
喉清大醉出門歌更壯天寒歲暮洛陽城 經山

過飲斗室先生宅謹步醉歌韻

明公去年入薊門薊門烟樹千里昏風雪滿天征車
發道途愁絕寧堪論長城易水巫閭北往來百日斷
消息縱有樽酒難共持空寄詩札瀉肝臆今日取醉
燈前舞豈復遠憶行人苦忽見梅發去年枝萬事俄
頃如翻雨人生一世各一身百年碌碌走風塵安得
雲龍隨著處所以愈郊歎昔人我來為罷省中草佳

東省校餘集

卷之一

七

招足以敦交道且與公弟話疇昔青春酒伴今全老
金盤銀燭坐相圍不醉此夜願無歸主人有酒多且
旨壺乾復許典朝衣長醉花前今日即公仲氏生朝而公生朝在九月間
公於是日嘗有句云秋菊臘梅齊發願餘生長醉在花前公所營梅花落酒有餘
清須教無日花不對追逐秋墅復春城 竹里

直中次醉歌行韻

歲暮天寒學士門殘軀吟病轉昏昏燃藜校書天祿
閣強策時與諸公論玉壺丈人屋山北病枕近日閒
居息雪中郵筒有新句強排寂寥寬胷臆小閣梅花
千片舞風味令人更凄苦詩腸冷澀無酒俗直廬悄

坐聽曉雨醒醉都付自家身有誰兀兀揚麴塵十斛
可愛非狂士一樽何爲醉別人却將餘瀝抵瑤草飲
中弗許恢公道及身康健須行樂鼎鼎年光易爲老
但願朝天銀帶圍湛露初筵與君歸解渴思沾玉井
冰憫寒敢望紫貂衣自笑平生少經營好官虛糜一
條清且盡芳樽戀物華雪色梅香滿禁城 薙館

東省文餘集

卷之一

五

東省文餘集卷之一

東省校餘集卷之二

摛文諸僚唱酬

立春日偶吟示菘館

坐念新春入悠然啓竹關斷冰猶擁壑晴旭已浮山
菜惜盤心剪花憐勝裏攀人情勞願逸天道往斯還
茆屋依呀谷蕭條忘禁城山寒雞早叫籬豁虎橫行
濁酒從隣熟孤燈對客清存心知有地不復到浮名

楓臯

和呈楓閣

人事迭天運往來如轉關又此立春日懷君見雪山

東省校餘集 卷之二

梅欲弄新豔柳應舒舊攀擾擾百年內空驚時物還
老木出深屋差差見北城山風聞虎嘯徑雪少人行
暫移鑾省步仍得玉壺清門外有朝市莫辭大隱名

菘館

更和前韻奉菘館

垂老身全倦尋常愛掩關此來偶積雪何處非深山
才拙今時用心長昔哲攀感君不相外佳會待春還
戚聯非但已同窠又同城世重通家好交深逐隊行
閱人吾亦老從宦子方清此日求詩意端知不爲名

楓臯

元夜病且無月未赴稷下之會仍次朝韻示諸僚乞和

天胡藏桂魄吾亦掩松關林影生因雪詩愁疊似山
自慚良夜負寧可少時攀寄語荳溪子朝書錯往還

楓臯

步自通衢悵還詩教忽至喜可知已相與敬次以呈

寒雲凝亦好微雪夜相關非我來因月知君宅近山
詩從壺裏至歡過醉中攀休道朝書錯能媒此往還

荳溪

東省交餘集

卷之二

二

明月與之待林扃久不關片雲凝作雪遙夜坐看山
佳約終相念清詞故許攀鷄鳴扶醉起遊鞚肯成還

經山

珂馬出東省招邀稷下關月微庭似霰烟重樹齊山
步出欣將遇詩來悵莫攀春風正無限載酒數相還

灘樵

天空得意夜無月且敲關雲氣方通逕雪華忽滿山
誰言林臥好虛待勝遊攀悵望壺中榭會心詩以還

菘館

浮世片時會天公意與關庾樓空待月謝屐未離山

抱柱良知苦期虞竟莫攀豈無同省晤猶悵此宵還

竹里

元夜臥病聞諸寮會稷下楓翁送詩唱酬甚盛
事也忘陋書呈蘄諸公莞留

祇合身依枕都無客歛關空懷稷下酌閑看林端山
朽質應難記清詞未易攀憶曾南北陌扶醉五更還

竹石

元夜滯直追和諸公作

九陌人如海千家門不關病軀猶畫省仙侶盡雲山
漫惜星河暗堪詫雨露攀壺詩添一趣扶醉幾時還

東省校餘集

卷之二

三

丹臯

退歸之路偶因事入院則丹臯纔已赴印所獨
坐無聊書一短句囑院史奉傳可與諸公均賜
俯和否

楓臯

歇脚歸深院春陰鎖綺疏青綾猶疊在坐覺暖香餘
人無相往返吾亦書札疏瓊什虛畱躅悵然一讀餘

丹臯

參對卽虛照乍違非數疏欲將詩意會閣夜靜公餘

葭館

殘雪融塔除句萌出土疏已知春氣倦緩步退朝餘
深院卽吾廬經過故不疏青綾千日直回首十年餘

竹里

微風仍小雨林氣見數疏院晝妍妍靜高吟意有餘
長者詩相贈讀之聲韻疏方知春有信新社雨來餘

荳溪

同案如兄弟追歡久不疏樓頭雙檜樹鬱鬱舊攀餘

小華

懷刺謁楓臯先生于玉壺之居先生盛說壺居
之勝仍命題初到玉壺敬諾而未亟酬也追錄

東省校餘集

卷之二

四

爲詩分押命題四字爲韻

玉壺先生玉壺居我想玉壺居何如先生弱冠通仙
籍承 寵長宿承明廬未老 命賜三公服鍾鼎車
駟光門閭光祿池臺將軍閣畫戟森衛香凝裾人生
富貴須適意誰復孤高守往初我時懷刺門下造眼
見山風吹紗帽林木巖壑相映發白雲滿逕人不掃
數間茆屋太簡朴亭扁護好飛來號紙帳烏几書縱
橫一樹梅發相爲好溪邨晝靜市聲遠終日罕逢輪
鞅到謂言幽居甚不俗我臥看山心常足年前買得
張家子山中四時皆堪錄山花對對發秀木山鳥欵

欵啼深綠清夜松壇抱月眠石泉琮琤鳴山曲天寒
大雪逾可喜俯瞰衆峯如攢玉板扉長掩倦招呼飲
酒哦詩聊獨娛有時客來亦無惡往往遊事多不虞
愜情便可菟裘老老去漸厭馳名途始識先生眞清
福玉壺更羸華屋輸壺月壺花復壺雪拜請先生長
在壺

經山

去臘經山見訪精舍歸以初到玉壺爲韻賦示
長篇清灑可誦忘陋屬和庸博一粲

經山初到玉壺居謂言見聞恰相如我諗經山差強
意慧眼眞能愛吾廬吾廬直枕北山脚第一深閒遠

東省校餘集

卷之二

五

城闔城閭鬱鬱半生餘癯骨寧堪曳朝裾歸老田園
計漸左聊持此築擬遂初暇日肩輿每徑造歡傲筠
亭不整帽松下冷泉寒可聽榆陰石榻淨如掃曾丐
渴筆鐫雲顏

唐徐浩喜用渴筆余要竹石書刻玉壺洞天四字故云

千年地僻

摩佳號四時最耐雪中看冷落難爲今人好空懷幽
默慨荒塗豈無車馬門前到忽驚長句破流俗工辭
絕解君自足一篇饒人千首多喜與山居作實錄山
居從此頓輝光不比林樊遍紅綠風檐坐讀動鬚眉
更感言言炯心曲古來快事在論交詎必軒駟與金
玉伐木丁丁鳥相呼詩人蕝酒永歡娛卽看冬盡春

又至林中暄日舒唐虞山雲溪樹向堪弄轉覺無心
逐名途有意君儻重來否斯須之樂千古輸且莫嫌
我倉卒主已捧冰心貯玉壺

楓臯

余嘗謁楓臯先生于玉壺山居甚喜其幽負而
未有詩也一日經山直閣之往以初到玉壺命
題以賦之又步其韻余乃續呈乞依經山詩賜

和

丈人性本愛山居誓將優游任自如別有洞府峭而
絕石上飛泉松間廬夙聞風流擅謝氏詎但和氣充
于閩玉堂金馬三十載尙說先王淚霑裾謂公富

東晉交餘集

卷之二

六

貴公不有游心還復到物初挈琴難逕時獨造行披
白雲擘絮帽不離人境無喧囂心遠世情澹若掃川
光竹色照床書鳥啼不省達官號雨花雪月摠相宜
非必絲竹愜我好襟宇曠然習清真深巷稀聞車馬
到境與人遇而不俗隱於朝市聊自足就閒安用買
山資著書應補歸田錄空裏色相返自然檐端列岫
呈蛾綠我昔騎驢欵公門水欲窮處山之曲伐薪汲
泉煮白毫惠我德音温如玉雪亭

經山
一號

學士又招呼

秀句豔逸紀此娛我醉我歌與人樂閒中日月今唐
虞畱與後生描畫盡却就新儒斂名途不喜詞賦工

於巧要使心肝許相輸願公文章與壽考洞天長關
仙人壺

小華

經山有七古二十韻與楓翁唱酬者也余於直
廬雪夜悄坐無眠遂次其韻奉經山

學士何官未閒居四十龍鍾病相如校讎文史還跌
宕霜靴日赴承明廬爲霑脂藥擎霄漢不教輕肥耀
村閭况有佳朋顏白晳晚從詩社摻綠裾去天尺五
城南宅儒雅風流聞自初往往幽思奪神造苦吟瘦
生寬帶帽小草淋漓玄泉落古壁玲瓏紅袖掃搢紳
先生辟三舍順昌旌旗建新號病夫忘年托深契瀛

東省校餘集

卷之二

七

館奇逢惠而好鳳毛堪媿池上隨鵝帖交將洞中到
只是文章使人俗識字纔辨銀根足斂却浮華方就
實試看前輩言行錄慎勿縱橫寫硬黃惟宜琢磨賦
猗綠心乎愛矣遐不謂君亦謂我通心曲妙香濃茗
簾垂地纚纚談屑人如玉蓮社詩不防醉呼蘭亭稷
又恣懽娛自有苦節凌歲寒清霜虐雪非所虞更將
榮辱遺疎襟可論曲折多塵途世人著棋苦不高勞
我欣戚關羸輸有會且須文字飲書在床頭酒在壺

菘館

次七古韻贈經山求和

西清祕府學士居君擁材傑人孰如奕世三公袁楊
業喬木百年詩書廬水碧金膏物外奇賢孫趾美光
門閭少小翹英騰赤霄蘭臺鳳閣飄輕裾曉來韉馬
非宿趼歲寒嚶鳥卽太初縱然莫殫十駕造步武堪
憐日抵帽東省繡梓清香襲南社瘦梅凝塵掃公私
暇日文酒勝相與經山丹臯號造次天機值森羅朗
月清風特地好芳緣不逐新曹移末契將期白紛到
世間百病難醫俗昔賢遺訓鑑戒足嗟今友道不如
古明倫終篇誰復錄却憎桃李堂前妍最喜松桂巖
上綠文雅雍容青春富爾心如水爾音玉願言心期

東省文餘集

卷之一

八

長如斯勿使千里還一曲我家紫芝倦招呼琴書整
暇聊自娛四時佳景皆可意清商浩歌歌唐虞金華
蓮鑣窳如羈低徊幾時多歧途已知猿鶴背人笑謾
將雲物空谷輸但與夫君相終好徹底惟看冰貯壺

丹臯

奉謝竹翁贈蠻牋

我聞緝緝鳥卵紙本出徐福島州裏穀皮鳴杵平礮
面潔羞截肪滑側理遠方殊品亦可珍不須剡蜀相
比擬竹里去年入對馬蠻人亦重文章士乞得詩文
寶愛之遂奉此紙禮竹里近日祕省吟詩多弄毫常

說此紙美剪裁摹搨碧絲欄百番片牋燕樣似向我
分贈三十枚我不解詩安用此好添諸子修五鳳時
潑玄雲淨鋪几澄心如得曼卿字三絕奇寶尤可喜

經山

經山有謝贈蠻牋詩與諸僚共和

我國名寶白硃紙吐墨堅硬不入裏日本之產號烏
卵外滑中疏見織理嘗聞蠶繭最宜書二紙何品優
堪擬不貴土物貴遠物習尚盡歸好奇士為言菲薄

酬高文曩得此紙自精里精里者日本巨儒古賀樸也携持箱篋越海島見者摩挲皆

語故應之以紙及退携持箱篋越海島見者摩挲皆

東省校餘集

卷之二

九

稱美荳溪學士真博雅戲摹燕牋巧相似搨來百本
無一錯薛製韓樣安比此經山詩興高一格妙思逸
氣流研几嗟乎烏卵爾得所並傳三絕吾為喜

竹里

扶桑之國桑為紙有光沃若無表裏蠶腹蛾翅趨物
化硃冰春月勻膩理剪作四韻薛濤牋雙鰕搨出工

摹擬標題二月三十日拾遺記劉連州家有右軍書每紙背庚異題曰右軍六紙

二月三十日此紙之成月日適符故云用供東觀諸學士蠻製燕樣輸

一幅咫尺真堪論萬里端溪紫石宣城毫會須麗藻
稱其美老夫得之空歎息年來聲澀秋蟬似獨賴經

山倡頭拍千腔百翻應兆此爲渠湔拂增顏色麥光
鱗鱗鑑竹几不妨此紙名三絕聊備故事志吾喜

荳溪

繭本麥光難爲紙剝落蒼皮復黃裏點點螺黛猶潑
面麤疎簾脚皆橫理病夫詩瘦書不硬妄將奩軸古
人擬箱傾鵝絹資畫工帳裁龜殼寄墨士最愛一種
蠻州產號以烏卵來千里雲文劈退薛賤佳雪色猜
破刺藤美雙螯三牴紅絲欄新榻又是燕樣似故人
佳貺愜漫興春來毫墨方需此金花斜展媚晴窓玉
葉輕鋪暎文几不須畱待大蘇書繩樞草舍猶可喜

東省交餘集

卷之一

十

葑館

簡青縑白摠非紙吳斧日入剡溪裏桑根海苔競新
巧平滑其質縱橫理古人勦物多智能彩虹淨雪皆
類擬日下滄溟馬山島使者樓船直學士剪錦投月
不盡寫餘片隨來幾千里蠻中舊樣燕肆榻玉板紅
綠俱炫美表裏戢戢無點瑕蛾毛烏玦堪稱似暇日
東省好題句百朋珍惠無逾此雲霞錯落發豪興精
楷助光鋪文几就中誰有吟詩癖經山見之不勝喜

丹臯

曇徵始教爲倭紙稍稍佳製傳國裏檀繭杉原美濃

品滑淨堅潔好肌理更有烏子稱殊妙至謂紙王美
無擬日東學者習經說其始亦祖吾邦士往年和官
迎仙槎有古賀樸謁竹里自著說辨請爲文亦知使
公經術美爲題其書慰藉之詡源白石略能似渠誠
感激拜而謝厚葉百番贄以此歸來倒篋分寮友雪
肪雲腴照斐几雖愧不堪汗劣字作書借書更可喜

斗室

竹翁贈我日本紙微黃淡白無表裏麥光桑根鬪新
巧蘭膏玉肪錯纖理其質松皮名烏卵南越文苔差
可擬往年乘槎入于海雕題亦識文章士遑人爭乞

東省校餘集

卷之二

十一

長蘇詩筆下波濤瀉千里二十五張青天色愛之在
人匪汝美騷人品題競叫奇金鰲碧牛較相似玉堂
學士動顏色文具明珠不博此試拈霜毫撥墨花
洲風烟生斐几好事經山癖於詩米生顛狂亦可喜

小華

書新牋呈竹里清鑑

芝蘭雜佩意憐渠蠻紙勻柔老繭如界欄擲得裁新
樣不數成都薛校書

繩以取其直准以取其平此意君所佩寄與諸友生

竹石

次竹石太史新牋韻

頓高紙價百車渠，裁得新詩錦不如。
會稽庫中牋九萬，祇宜全奉謝尙書。

物小喻其大，繩直而準，平平足均天下，直乃人之生。

竹里

竹石丈拈別韻以示之余，又奉和。

晴牕樂事正要渠，十樣蠻牋雪不如。
行筆較便張永製，從公且洗二王書。

粉合冰膚滑光涵鏡面，平惟應蘇學士不負楮先生。

菘館

東省交餘集

卷之二

十一

小華畫竹里便面墨竹歌

竹里先生性愛竹，官居無竹歎食肉食肉猶瘦意不
甘，非爲無竹令人俗，思將脩節振清風，灑然嘉聲流
無窮。七賢六逸今誰在，林雲溪月空復空。晴窓攤書
眼，欲烟催淪新茗散，午眠乞字索詩聊。爾爭劈雙
鰕，小樣牋獨有小華妙，情思據案一揮筆，先意雨梢
風條森相并。君看此事真不易，徒墨則漓徒筆稿漓。
卽潦倒稿如掃，妙處非可筆墨爲形勁，神抗方兩好。
東方惟有一灘叟，近日紫霞亦佳手。岫老豹翁各盛
名，俱愛已指終掣肘。餘子粗心厭，莫能支離草率皆。

無成此君形神幾歇絕舊錄吾寧廢畫徵君今一揮
乃大奇寸萌節葉生有之余不能然識其然畢竟操
熟無常師暫時生澀亦何怪自是彭城又一派鵝絹
二百五十匹可但他年買田債先生得此喜更別喜
非虛閒應有說我輩已老君差少數亦古人才六七
性情臭味甘相終餘年還掃竹裏室茂而不驕瘁不
辱我歌君畫兩可讀

斗室

余戲寫竹里扇中墨竹三莖斗室先生作詩評
之謹步其韻仰酬寄意之重

畫竹未畫曾中竹竹身擁腫苦多肉兔起鶻落方通

東省校餘集

卷之二

十三

神手遲筆澀那免俗聞昔箕箒老可風造化窟中冥
搜窮一寸之萌萬尺勢杈枒肝肺氣凌空鵝絹颯颯
灑風烟弟畜虎頭與龍眠月落庭空人不見千古遺
韻坡翁賤我欲學之勞神思纔具其形况其意瘦莖
活枝工尤難羸梢肥葉寫或易春蚓糾結筠粉槁垂
垂如箒雲可掃祇得披離風中柳時時自娛匪要好
愛竹愛竹竹里雙自持便面携我手羞澀羊姝強效
顰妙解那得辨跟肘斲輪解牛固莫能不根不笋何
由成軟節猶有君子操更覺嫵媚似魏徵沆壁塗窓
未爲奇不謂先生心好之畫所難寫詩能寫心與竹

化真我師百斛驪珠撥光恠題評左海墨君派生平
不得一襪材懶性還復淹詩債愧非蕭郎格殊別新
曲翻從樂天說而我於技無一就年光冉冉三十七
譬之植物同臭味提携二仲入其室此君可折不可
辱賴有一篇歸而讀

小華

斗室太史速諸寮會花園經山有故未赴適畫
墨竹於便面送之是夜經山忽蒙中丞特授
諸寮謂得竹畫之日叨此尚風節之職良非偶
然遂貽詩實之

畫松畫石畫蘭筠八扇分將共八人霜府新銜應兆

東省校餘集

卷之二

十四

此此君偏與此公親

竹里

息觀筆下千尋筠寄與經山作主人 御墨夜除新
御史此君風節定相親

酒闌浮亭弄素筠晤言強半在吾人誰知已下中丞
詰遙望風裁不可親

臺端直節視霜筠峻秩常憂來逼人竹里從今分一

派知君風味永相親

竹里以臺衙阻東省之進者三
豈溪再焉今也經山又以中丞

在告少年風裁亮非二老比扇上畫
竹亦非偶爾庸寓辭祝仍又自賀云

豈溪

醉墨尋常奚取筠清風高節託斯人霜臺昨夜新

除下名實由來自有親

灘樵

春風好拂畫中筠東省此筵少一人御史聲名方拭
目除書前夜自天親

綠影參差十斛筠安知高節更無人霜臺風味元相
稱從此官銜日與親 菘館

竹翁氣節抗貞筠三度乘騶想見人一派難尋千尺
勢蒲葦肥質愧相親 右和竹里

名園春色翠松筠晚集龍圖閣裏人久要獨慚芳約
負清芬相挹不相親

誰將便面畫霜筠更道颯然竹似人異渥金龍應有
兆宮鴉傳墨忽來親

東省校餘集

卷之二

十五

若將風節比脩筠臺閣須公始有人且待分司編校

訖絳騶烏隸願長親 右和苙溪

傾朝風采孰廷筠府省寧容似我人灘老詩中良誨

在由來名實最難親 右和灘樵

風儀妍秀鳳樓筠玉笋班心最動人臺省行看登滾

滾烏衣許躡後塵親 右和莊館

吾司柏翠子垣筠分省還思共省人誰抱青綾聽漏

苦詩來獨斬一言親 右屬丹臯

經山

又呈經山

乳龍鱗鱗上番筠此似君詩詩似人更將尖穎包藏

密嶰谷鳴禽悅見親

不賦緗桃賦綠筠天然風味宛伊人阻逢還有便宜處短簡郵筒日覺親

三日不見君已覺萌鄙吝春晷及高春况又斷問訊眠食應自適脫然昔所慎烏衣敞門扉抖擻風采峻而余困窠臼陸陸課旅進錯綜理剪貼橫斜問刷印慵憤性所安飯餘睡一陣睠言庭下桃紅褪綠已赴乃知春如許歎息光陰迅起誦七絕句充如療荐饑鍊斷難尋巧染灑尙餘潤惡石媿非瓊聊以効磨磷

荳溪

東省交餘集

卷之二

十六

和荳溪

起龍藏豹萬竿筠槩似傲騫不俗人能盡性情知己是墨堂歸後更誰親
手裏扇綃畫裏筠一時傳付作詩人離居添得詩家料不恨前遊未得親

自我奉清光祛惑亦泯吝駢坐沕款酢索居絡芳訊迫驩遂不斷進止勗自慎薄姿紆主眷南司授秩峻反顧增踖踖潛棲阻課進露萼豔低亞泥燕憐斑印對此芳菲盛離懷強成陣君子宣惠音郵牘如期赴豔豔桃浪疊颯颯竹飈迅亮彼觸物緒增我思怒

謹感言結心曲佩之襲芳潤所愧璠與燕殊質詎同
磷

經山

又贈經山

西垣春日翠挺筠鵠峙鸞停展也人珂佩斲休丹

陸步知應微悃戀君親經山拜臺街
在家故云

四時不改獨霜筠今世求之儻有人休道柏臺糜爾

好交情宜積久逾親經山頓無相
念之意故云

德業新工喻綠筠何須專美古之火欲爲反本藏修

學案有經書日日親經山有吟
詩癖故云

青節渭濱萬尺筠谷中燒食共誰人元來畫餅成空

東省校餘集

卷之二

十七

話知子手中但自親經山近得墨
竹扇故云

菘館

和菘館

散樗難比歲寒筠我豈霜臺御史人幸屬朝家方少

事幅頭久闕署名親大臺衙
在家韻

風倚霧交翠色筠離離恰似有情人林間雲影溪間

月看取賢流逸士親大頓無
相念韻

誰教畫扇誰畫筠看畫作詩更誰人吟癖噴吾吾一

笑其如郵帖日來親大有吟
詩癖韻

曾取石翁筆下筠當時題詠遍諸人墨君終是因緣

在又見清風送與親次得墨竹扇韻
○昨年金石作
墨竹於余所執便面諸條皆有

題評
故云

經山

餞春

久喜年年信誰回日日行飄風紅謝蝶小雨綠藏鶯
欲贈詩無警畱歡酒有名江樓將遠望汀樹奈添情

灘樵

展月春逢閏東君竟此行花前違社酒葉底聞宮鶯
早已新回節何須苦惜名徹鐘猶鼾睡榮落不關情

完谷

對酒春將盡何如送遠行芳園回夢蝶深樹倦啼鶯
已分畱無術聊知餞有名畫堂風雨散高柳係幽情

東省文餘集

卷之二

十八

楓臯

新晴涵翠綠芳草幾人行花落時聞烏柳深或出鶯
如期回節信空惜餞春名稷下有佳約猶餘社酒情

菘館

知有重歸日那無餞此行畱連纔見蝶生澀漸聞鶯
風雨渾成昨詩樽揔可名林菲猶剩馥看取故人情

荳溪

餞春畱小酌恰似送人行芳草騎嘶馬晴林咽晚鶯
別時旋有約生處蕩難名濃綠城邊柳猶堪暢遠情

小華

酒惜無家別花愁盡族行傷神何處蝶訴恨萬啼鶯
祕閣開清讌諸公總盛名湖山人又去俱是惜離情

思穎

四序相推斂誰能挽此行飛花頻蹴燕深綠已聞鶯
元日迎其至今朝餞以名前期來歲在臨別自關情

金石

仙子忽驚夢如期此送行踴涼低小蝶消息動流鶯
南畝方多事東皇已謝名年光畱不得華髮奈吾情

丹臯

春莫堂堂去杯催濫濫行一番風又雨無事燕兼鶯

東省松餘集

卷之一

十九

總爲流年惜尤憐此日名林花飛繞坐君亦解離情

經山

孟夏初日集灘樵稷下寓邸拈韻各步

山不甚高秀密林卽眞境主人清意足杯樽到夕景

菴館

不知主人心須看卜茲境簾外萬松色蒼蒼延夕景

小華

自知門巷深車馬亦人境對岸有穹林翳如初夏景

灘樵

主人喜幽靜城市卜斯境况又登高處四時皆可景

人生會心處亦在詩酒境稷下開良讌芳樹移清景

丹臯

楓臯

花滋綠陰散昨日送春餘撥火茶先熟攤書字不疎
白雲猶欲住黃鳥忽聞初已託襟期好願言稷下廬

菘館

清晝門扃對茂林良辰笑語證同心明朝有約壺仙
在一壘雲山較更深

小華

山家四月綠盈林此日逢迎愜素心自是閒蹤無定
著明朝又入玉壺深

東省交餘集

卷之二

二十

偶值諸公集林齋病起餘墨香經雨潤簾影捲晴疎
畫展論心後詩催命酒初輪回賓主席隨處卽吾廬

灘樵

雨餘蒼翠滿前林清簟疎簾淨俗心壺裏更畱探勝
約小溪灣處白雲深

丹臯

珂馬城西宅巒臺杖閱餘歸雲當戶宿晚翠入簾疎
詩話欣消各鄉心感遂初筍輿隨意至偃仰似吾廬

金石

形勝雲臺下葱蘢 御苑餘坐來憐綠暗醉去恨紅
疎展卷論書畢披襟講契初青山如此好幽事宛吾

廬

楓臯

孟夏園菲盛及茲春約踐勝引紆同賞殷慮遣自免
幽居屏氛雜佳眺愜懷緬松暉澹以清遠風穆餘善
卽景可愉悅嘉想亮非遠矧歡行廚進渾忘駢騎返
永晤心無斃良誨釋陋淺

我酒浮綠君飯白相邀澗紅岸之碧玉盤羅羞爭下
箸不須汲泉煮白石問誰頽然飲輒醉問誰飄然詩
無敵忽見中堂奇事發揮毫落紙驚坐客坐客爭道
雲烟起澄心墨蹟如晨隔就中乞得玉色牋歸掛草
堂之淨壁

經山

東省校餘集

卷之二

三

葵扇一團寫志林慙慙持贈待知心我馬明朝何處
向玉壺洞裏白雲深

金石

招邀來訪灘樵宅我乘青驢君馬白灑掃庭戶無塵
雜一樹薔薇向空碧主人烹茶仍索詩竟日磨斷端
州石纜道春去卽清夏幽愁豪興不可敵聞君且歸
灘上去灘上雖好無此客把酒但作酒中想下簾便
與簾外隔我作長歌與君證畱題君家屋西壁

荳溪

約諸寮自流霞亭放舟而下楓閣以小艇溯鷺
湖來會拈韻共賦

牙檣徐動綠楊洲，畫幕高開穩似樓。
新面迭看青嶂出，宿盟偏愛白鷗浮。
長江願作人間雨，仙侶欣逢河上舟。
舉網得魚村酒貫，茲遊奇絕亦風流。
金石短檝孤篷溯漢洲，春江夾岸幾亭樓。
此間未必橫肱窄，斯世元來過眼浮。
見說漁人朝舉網，懸知仙侶晚同舟。
茲行足數平生快，文酒如今第一流。
楓臯綠樹明沙抱，遠洲流霞江上最名樓。
潛龍昔日菟裘置，賜燕先朝大白浮。
借與詞臣畱健筆，好教暇日泛仙舟。
茲遊未必修前事，且愛觀魚逐水流。

竹里

東省校餘集

卷之二

三

響處爲灘空處洲，緣江曲曲可吾樓。
剩教塵念渾如濯，已信人生本是浮。
且與輕鷗同結夢，不逢新月莫停舟。
幸攀仙侶來如約，倚槳題詩字欲流。
荳溪蒼然霽色滿芳洲，垂柳深花若有樓。
百恠沉涵春水闊，羣峯淡抹夕烟浮。
依依短岸歸樵路，漠漠輕帆上峽舟。
世劫茫茫同一意，鳴榔盡日此中流。
葑館望望西湖綠滿洲，酒餘携手下書樓。
平蕪日暖霞初落，遙樹波高岸欲浮。
暫謝羣塵歸別界，從知游宦寄虛舟。
瑤笙一曲添奇賞，邂逅伊人在上流。
小華雨後澄波漾綠洲，輪來風物倚船樓。
羣峰拱揖晴霞

綴兩岸平鋪遠草浮始信滄江真別界且從宦海泛
虛舟聊將進退詢篙老振柁前頭有急流 丹臯

搖小艇獨往狎鷗亭吟示諸僚求和

隔水垂楊裏前盟在狎鷗扁舟浩然去高閣靚而幽
襟敞延空翠杯深酌緩流遙遙樓上客應羨不同遊

小華

見數名亭指偏先樓狎鷗江山元曠遠林壑更清幽
卜築當時計繁華如彼流千秋鼓琴意吾亦老坡遊

楓臯

博也孤舟去團團逐泛鷗何須躬乃已便覺望還幽

東省校餘集

卷之二

三五

綠樹千重暗澄江一帶流他宵此樽酒抱月更同遊

灘樵

少小吾曾到名亭數狎鷗洲空元自迴樹密更應幽
慣記回頭岸遙知濯足流輪君今獨往衰倦愧前遊

竹里

聽漏從金馬出江問白鷗檐楹臨水迴雲物點山幽
突兀當高處名稱亦上流應知向西客回首悵斯遊

丹臯

送君孤帆去杳杳狎亭鷗笙鼓空嘆息雲烟更靚幽
携樽誰得意懷古逝同流隨處偏生感幾人閱此遊

菘館

齊會霞亭上君先去狎鷗多年縻夙夜今日玩清幽
豁眼應延眺披襟儻滌流吾儕皆慣踏且向下灘遊

金石

與江右叔挈小舟由鷺湖湖上壘年前江遊韻

仍示諸僚共賦

出郭數三里馬隨芳草行江低流未見沙遠岸先明
麥壟清風轉漁村夏景生回頭問阿叔已忘市朝情

楓臯

近日皆清暇風流最此行江湖新氣色舟楫更鮮明

東省校餘集

卷之二

三四

大酒追先輩長篇憶友生夕陽催去馬烟柳倍關情

灘樵

憑風不用櫓泛泛任吾行青嶂互來赴白鷗遠滅明
芳菲誰可贈漁釣爾爲生柳底商船聚蒼然暮渚情

菘館

不向江頭久今朝出郭行滄波流自在氣色宛然明
浦戶隨帆見漁歌隔岸生欣逢元禮棹重起昔遊情

竹里

早朝豆毛浦盡日任舟行亭榭過無數汀洲見漸明
曠懷元萬里酒戶抵平生逢別皆奇事臨流復遠情

荳溪

忽作江湖客中流自在行雲山來指點鷗鷺去分明
詩酒臨風逸笙歌隔水生悠然忘俗累漁釣更吾情

丹臯

昨日山中會今朝江上行流鶯隨岸近浴鷺共沙明
舉帆欣風穩停橈待月生遙村漁唱發應識此時情

金石

坐忘鞍馬倦清漢望無遙帆腹西風滿江心午熱消
浴鼻聞櫓縮晴燕蹴波驕最憶吹笙妙偏宜杏浦宵

楓臯

東省校餘集

卷之二

五

少醉霞亭酒移舟望却遙紆回汀樹去平穩午烟消
鼻沒搖橈怯魚肥舉網驕不知湖海負隨意到中宵

荳溪

出郭塵緣少江行十里遙名亭雲每逗舒日霧初消
舟會良非偶帆吹不敢驕滄洲頻入望微月竟今宵

菘館

汀洲轉十里西望海天遙入妙詩情倦臨清酒力消
人家排岸密商帆飽風驕未須愁日暮餘閒更此宵

小華

何處乘舟好東江十里遙鏡開塵不到襟暢酒頻消

細浪遊魚喜輕風浴鷺驕遊情渾與慣重約月明宵

竹里

忽何笙吹至篷底望遙遙一笑安排失翻知鄙吝消
烟波隨遠近風柳任顛驕舉網魚無盡畱連不妨宵

灘樵

滯直未與斯遊追和行字

寂寥祕省直浩蕩仙舟行勝會神空往新詩眼忽明
桃花酒初熟瓜蔓水應生歷閱波濤筆重深湖海情

完谷

作載寧觀行宿碧蹄館朝發甚懷閣中諸右寮

果省校餘集

卷之一

三六

今日舟遊漢渚渭樹江雲不禁吟望之恨立馬

次稷園韻馳呈冀諸公莞展

文酒名園日與君西來一宿悵離羣何江錦纜牙檣
動獨夜清笳畫角聞幽館燈疎懷舊雨長洲樹暗望
歸雲高吟欲和漁歌晚郵路馳筒寄一欣 經山

與諸公飲酒流霞亭有懷經山善之

青青原上草泛泛河中舟朝日滿東關後先同我儔
同儔安所適江上有名樓澹蕩黃柳影激濫晴江流
華筵敞繡幕清酒佐豐羞欲飲還不樂所思在西州
西州不可見極目空悠悠悠悠將奈何盡日闌干頭

闌干十二曲曲皆我愁

灘樵

蕭蕭游子馬渺渺仙侶舟燕燕及伯勞分飛不作儔
朝出南城門晚登江上樓樓下大江鳴日夕向西流
刺史良燕會杯盤錯看羞知君今何處飛蓋過坡州
行塵望不及我思悠復悠古來別離苦白盡人間頭
作詩欲寄君復恐添客愁

楓臯

四月瓜蔓水雙江蓮葉舟芳洲散鷺鳧飛鳴命匹儔
君子有所思遠遠上高樓高樓望不極沈吟俯長流
昨日山中讌子不甘庶羞知子思親闈白雲飛西州
申情辭闕下長道涉悠悠去意亮多歡胡爲重回頭

東省校餘集

卷之二

七

繾綣有朋僚懷哉使人愁

竹里

平生江湖志游讌亦在舟早出東城路非無良朋儔
恨未經山子共賞此名樓樓上烟霞多樓下江水流
歸心有如水不歸江神羞下樓入舟中郵筒自西州
相去日以遠相思日以悠座上諸詞伯三復放一頭
去時及歸日應教花鳥愁

金石

昨送經山子今乘漢津舟佳約本共得良讌未同儔
晴旭散芳渚餘霞當高樓兩行烟柳樹盡日鶯聲流
涉江采芙蓉柔弄正可羞沿流鼓柁去知應到西州
暫別終當合猶使我心悠所以古詩人未老先白頭

願君歸及早莫作異鄉愁

荳溪

行逢謝公履共登元禮舟鷗鷺如有約魚蝦定堪儔
清風誦北海高興憶南樓白雲且何赴滄波不停流
翻愧詩思拙多爲故人羞故人行千里今日宿何州
懷哉遠別心遇境增悠悠流霞閱古今題詩孰上頭
幽吟轉悵望芳渚空遠愁

菘館

江上良讌會桂棹復蘭舟溯洄何所思招招叩與儔
汀洲散萍綠瞻望乍登樓樓下清漢水猶自向西流
不能賦佳句不堪飫珍羞君馬日遠邁明朝到何州
幽鶯啼未已雲樹意更悠合散儘無定人生堪白頭

東省交餘集

卷之二

元

回語同舟人母相作別愁

小華

青門秣吾馬綠洲繫吾舟不有仙僚約寂莫誰與儔
翩翩結蓮鑣迢迢倚水樓西軒日以遠欲從宛溯流
願言綽約姿鄙吝增我羞夢中猶識路白雲海上州
颿檣波空闊烟樹風更悠此去幾長亭悄然屢矯頭
矯頭思無極聊且酒消愁

丹臯

舟到鷺梁經山從驛使寄詩相與和之

中流泛泛遠思君沙際紛紛飛白鷺羣綵服趨庭誰不
豔錦囊遞驛笈相聞汀洲濼濼新生月關海迢迢欲
暮雲爲想妙陰寺前去晚花啼鳥共欣欣 竹里

諸公此日摠思君灘老之思獨出羣烟水極天孤棹
在驛亭何處晚鶯聞無時可掇如明月不去長停有
片雲報說郵筒中道發臨風一誦悵兼欣 灘樵
追遊何處可忘君君亦多時戀我羣一日三秋難自
遣落花啼鳥不堪聞持綾久厭聽晨漏披錦行看綴
海雲長壽山光添酒綠已應醉席奉懽欣 小華
朝見夫君暮見君承明翰墨日相羣去將鶴髮高堂
覲行赴鷄聲曉店聞今日暫謀江上醉夕陽空望海
西雲豹皮 寵錫歸堪詫遙想 恩光繞室欣

菴館

東省校餘集

卷之二

完

玉壺春酒已酬君遠向西州獨戀羣野路輕陰新得
句驛亭啼鳥曉多聞諸寮方選清閒暇短檠來隨去
住雲夕照桐江魚欲上尺書瀟灑寄同欣 荳溪
既送三春又送君鶯啼驛樹遠求羣壺中林藥曾同
賞江上漁歌今獨聞鼓枻沿洄烟渚月停杯悵望海
天雲願言行駕歸無緩畫閣重尋握手欣 丹臯
置酒江頭遠憶君題詩馬上惜離羣雙飛白鷺沙堤
見竝坐黃鶯驛樹聞不覺沉吟迎好月那堪迢遞隔
重雲遙知長壽山前路日近庭闈倍自欣 金石
渺渺烟波共憶君緘書何自惜離羣正憐仙侶鷗盟

證誰與羈燈角語聞世事圓虧江渚月人生散聚驛
亭雲懸知綵服趨庭後綠酒紅歌又一欣 楓臯

直中次諸僚思經山韻同付郵筒

江湖寄浪跡身如不繫舟筇屐閒來往漁樵命朋儔
豈意同吾子重登聚奎樓吾子癖於詩嘻笑亦風流
吟酬或未及怒如中懷羞吾子時往覲長壽山下州
和風颺綵衣驛路正悠悠兼須訪奇勝領略海西頭
歸時出錦囊慰此居者愁

高齋宴坐有懷君征旆西行悵失羣海岳浮空勞遠
望郵筒抵夕喜知聞歸期正自無多日旅夢還應繞

東省校餘集

卷之二

三

五雲好趁榴花開未遍逢迎文酒竚同欣 完谷

漢渚舟遊之日灘老見懷有五言古體屬諸寮
長相和馳驛寄示文苑盛事異鄉珍賞非止不
忘之感而已輒此缶和敢邀斤鑒

我騎關山馬君泛漢江舟君懷我獨逞我懷君同儔
下舟有江亭下馬有驛樓驛樹本同行江水各分流
別懷雖自苦言苦亦可羞此情誰知得行行已西州
贈我相思詩長路意共悠遠雲如可望開函屢回頭
一讀令人喜再讀令人愁

經山

更次近體別謝灘樵先生盛意

離君十日轉思君草復萋萋鳥復羣驛館含杯憐獨
 醉江船得句許相聞思人誰獨如盈月有意閒看不
 住雲石洞洞門溪幾曲離愁却較勝遊欣 經山

對雨有懷經山用前韻奉寄

西垣紅藥獨懷君石洞青鞵誰與羣一月還歸元有
 約二詩來後更無聞花飛驛館依依柳鳥去江天澹
 澹雲即遣檐鈴知信息待將樽酒寫幽欣 荳溪
 遊石洞之行歷坐妙陰寺荳溪詩札適至喜可
 知也潦草和呈

我遊何處不懷君日暮寺門誰作羣人向藥欄花影

東省校餘集

卷之二

五

坐詩來石洞水聲聞參差谷樹雙飛鳥重疊關山不
 斷雲把酒快消吟望恨梵僧儻識此時欣 經山

內賜櫻桃一盤恭賦聯句鬪拈宋韻凡二十五

字三人各得八句唯誦字不盡 竹里 莊館 灘 樵

苑人貢新櫻晨掇露濕襪 竹 晶瑩無滯芥圓滑欲連

綜 灘 走轉難住著磊落任放縱 莊 故事頒近列殊貺

異常俸 竹 傾盤中使下正席小臣共 灘 護熟驅禽鳥

祇薦參豕粽 莊 玉箸及餘澤黃帕啓深縫 竹 目眩忽

撒砂齒爽若翻灘 灘 雨液頻霑潤土功幾培壅 莊 甘

承仙掌疑圓探龍領恐 竹 品別昉周漢贊詠極唐宋

灘崖蜜傳奇號杏酪調妙供莊綠實欺園李黑米笑

江葑竹知是鶯含至元非泥裏種灘野人籠誰送進

士宴此用莊蒙賚肩吾感賦伐穎士訟竹譬雪旋添

糖嫌塵遞覆帷灘結子堅耐風矜色的坡雲莊口摘

枝礙帽懷核蹊避鞞竹待僚貯孟榼餉兒馳僕從灘

綴英由氣協蕃物驗民雍莊賜菓徵孔訓嘗草仰炎

統竹衛風興桃投楚吟思橘頌灘校書勞何有寵渥

實鄭重莊

謹次 賜櫻聯句韻轉上竹里文丈請正

五月摘新櫻枝露沾袖褰金九轉銀牀火珠垂綠綜

東省校餘集

卷之二

三

皺荔難遮掩脆柰詎恣縱筠籠傳野贈笋廚比官俸

白失晶簾看赤訝瑛盤共恩賚偕醑酪禮薦列牢粽

細葉橫籬缺瑤葩映薛縫灼爍若麗星滋潤如灌漑

本質自勻圓六氣無滯壅初結露瀉疑漸熟烏銜恐

第品饒桃杏題詠迭屈宋煎思鷄粉和熱宜蔗漿供

愛逾千戶橘取豈下體葑廣圃列果木嘉實幾品種

特憐陽精稟能需席珍用先熟競推讓獨擅孰爭訟

嘗新錯玉筋護莊燾羅帷手弄透鮮明懷爽掃霧掌

諸子集華省每朝趨烏韞擎函謝中使帶鞍囑騶從

相與賦明光溯本證蜀雍果譜辨色味草經諦根統

殊渥曾共荷嘉什又新頌如同正席嘗攀和意珍重

經山

喜雨次韓文公春雪韻奉呈竹里叔轉示諸公
幸侈瓊酬

屏翳初迴御商羊久上謠如絲風未斷響竹暑先銷
混霧藏山腹和烟度澗腰蕭蕭侵密葉漉漉走輕條
坐愛苔斑砌行憐石滑橋隔槽疑酒滴窺箔訝波搖
祓魃逃何處喁魚慰竟朝麥迎低已仰花耐墮無飄
里井忘爭綆村機妨曬綃晚來沿洞去還待瀑聲饒

楓臯

東省校餘集

卷之二

三

謹次喜雨韻走呈請教

坐聽深省雨遙想四衢謠沛若金膏潤居然赤魃銷
風微俄殿角雲密已山腰滴瀝鳴繁葉浸淫委弱條
綴珠蛛護網浮芥蟻憑橋秧出憐針細葵舒耐扇搖
慰農應竟野澤物豈崇朝仰雷祈長注承盆忌細飄
巾誰欽墊帛袍未惜霑綃退食雖云晚秋饜稷黍饒

竹里

側聞登蜴祓先喜引雞謠風轉雲生潤山低霧不銷
微霏秧脫穎漸洗麥齊腰漫野茫無際依空細有條
決嵌聲是瀑溜窞勢堪橋鳥濕多翻覆林欣互動搖

慳推春及夏快筮夜連朝坐待三江漲重謀一帆飄
未成蘇子屋且展郭生綃已識壺中老幽歡占上饒

登溪

屯膏纔解澤抃野已騰謠旋覺焦枯潤更欣炎熱銷
霏微生水面驟急轉山腰銀竹高垂屋珠花亂綴條
幾何流滿澮不妨漲崩橋放浪懷蕙拂清冷懶扇搖
祈雩知上格憫旱紓中朝稍足三農慰猶看少女
飄漸濃雲似墨輕羃霧成綃重冀方千霍盈盈野水
饒

完谷

梅熟知催雨麥歧已引謠細霑芳草暗紛墜宿烟銷

東省校餘集

卷之二

三

幽鳥藏檐角跳魚點水腰冥濛誰見迹散漫若無條
靜室涼生几平疇漾可橋遠山空浩渺弱柳自披搖
圭璧方連日滂沱乃竟朝樹低還寂寂花重未飄飄
漸漬文如靄輕飛散作綃三江應漲滿風味占勝饒

小菘

國稷俄虔禱郊禾已驗謠淪淒羣望切優渥百憂銷
山遠迷全面松敲濕半腰乍聽聲欲大斜看勢分條
櫻熟紅生箔荷舒綠映橋刷衣鶯認歇護粉蝶辭搖
民力疲焦土天心眷聖朝雷公胡隱遁風伯敢橫
飄漏日雖如駁餘霏尙隔綃夜來應一需人物共豐

饒

灘樵

與諸僚詣院楓翁小極未赴忽憶東坡因病得
閒殊不惡之詩仍酬其韻請教

幾年粉署共含香此日東曹擬赴涼鹿几梅樓公臥
極蟬聲苑樹我懷長詩凌鮑謝猶求侶睡到羲皇不
覓方曾道交情如淡醴野樽還惜未同嘗 竹石

清遠樓深燕寢香籜冠梧几北窓涼別時較得逢時
久藥味爭如酒味長尺牘相憐同是病煩襟一滌更
何方乞茶珍重勤題品遠汲山泉仔細嘗 竹里

公退委蛇襲

御香分司清晝進風涼周年校訖行

東省校餘集

卷之二

五

將散此日席虛懷又長尺書候病伸吾思弱體當炎
憶療方知公梅屋多閒暇羹定樽深擬一嘗

丹臯

聯趨左掖抱書香虛閣疎簾暑日涼近夕酒醒聽雨
倦高林蟬噪引風長浮生易散常無定多病相憐奈
味方不耐煩襟思一滌壺冰可復與心嘗 小華
誰把葵花欲贈香朝衣漫自趁晨涼閒忙隨處參來
往逢別關情孰短長每聽清蟬如可挹曾同青翰定
何方玉壺飛瀑猶堪弄品酒名茶儻許嘗 葑館
堂深簾委定書香漫抱清襟倚晚涼洞瀑青楓幽想

在瓶荷墨竹舊緣長詩如造境能差病睡可爲鄉豈
問方鳴蟬料得秋消息柑熟山庭擬共嘗 經山
山窓小牘墨滋香乞與分司一陣涼石老供羞官更
展經寮覓句味應長替承清晤如同席醫得病懷當
別方韻語要酬珍重意許將臘雪一時嘗 荳溪
瞢騰午屋困書香坐憶羣公畫閣涼明日大難中伏
逼清風徐至上林長喜君不吝驚人句教我眞成却
睡方且待壺天新水下沉瓜浮李更羹嘗 楓臯

晚赴省直諸公已退見軸中有詩草次其韻呈
諸僚請教

東省校餘集

卷之二

三

晚省空餘坐席香柳風槐雨剩生涼行將竣事身如
退聊復輪番意謾長多病自知慚少效相思其奈慰
無方山家水味清煩肺暇日能來擬共嘗 灘樵

夕臥窓間雨餘納涼爲想灘樵僚兄解直就第
略同此趣仍步昨韻遂馳朝簡

朝回粉署賸携香夕偃茅廬乍趁涼經歲校讎公事
了故人詩句別懷長樹連空苑風來直雨斷疎窓月
影方兩地知應同此景一杯猶阻共君嘗 竹里

列聖御製續印告完二十四日將進 書開局
以後閣僚與是役者夙入暮退無日或曠余與

斗室諸長僚五日一赴迄今甲戌季夏二十日
而止朞月周旋行將散矣聊述抒感

身心塵刹奉董役已年餘編印功垂就公私感可書
知無終事再將奈會時疎道合通 君友凡人各有
初 楓臯

開局分東省編摩閱歲餘典謨瞻續搨奎塵耀 全
書僚座憐情熟名題 謂鑄字所
題名錄 愧績疎忍看終事畢
相向涕如初 竹石

終事編摩訖臨分感有餘義義天祿閣秩秩 聖人
書治任情同苦離羣迹况疎披誠更何地追憶沐

東省校餘集

卷之一

七

恩初

竹里

校刷工垂訖微誠藹有餘千秋東海國一部 聖人
書宛覩聲光在重驚歲月疎遲回歸未遽志感又如
初 荳溪

幸參編校役仕進一年餘監爲百王則統承羣聖書
諸公皆殫竭微質媿迂疎知有終當退追遊共憶初
葭館

王命監斯役編摩歲有餘今當成續帙春已進 全
書奉剝勞靡効同憲契不疎龍圖瞻璧月陪集永如
初 經山

開局翻周歲臨歸意有餘分司雙隻日 全部典謨
書職事恆靡監寮情遂不疎菲才參末至會合憶秋
初 丹臯

經年開印局此月又無餘終事諸臣淚分編 二部
書隨行慚罔效課仕悵仍疎詩語敦僚契源源念厥
初 小華

開局而將撤居然周歲餘告功前後搨還序證叅書
重事憂猶遽敦僚勉莫疎臨分增意緒歸棹若來初
灘樵

軒邱回舊節淚盡簡編餘全部 雲章集重光玉府
東省校餘集 卷之一

書自憐終事阻那敢寸誠疎 內閣瓊函進猶疑呢
侍初 侍初事 履園

原任提學領敦寧金祖 字北日 安東人

東省校餘集卷之二

鑄字所題名錄

原任提學領議政金載瓚丙寅國寶延安人海石

檢校提學領敦寧金祖淳乙酉東人楓臯

原任提學兵曹判書沈象奎丙雅教奇松人斗室

提學左參贊南公轍庚辰元平宜寧人思穎

提學判敦寧徐榮輔已卯慶世達城人竹石

原任提學禮曹判書朴宗慶乙酉汝公潘南人敦巖

直提學京畿監司李存秀壬辰性老延安人金石

直提學弘文副提學金履喬甲申公世安東人竹里

檢校待教兼大司成朴宗薰癸巳舜可潘南人豈溪

東省校餘集 題名錄

檢校直閣禮曹參議李魯益丁亥君受德水人灘樵

檢校待教左承旨李龍秀丙申子田延安人莊館

檢校直閣弘文應教李光文戊申景牛峯人小華

直閣弘文副應教鄭元容癸巳善東萊人經山

檢校待教弘文修撰朴綺壽甲午肩皓潘南人完谷

待教弘文正字李鶴秀庚子子臯延安人丹臯

崇禎紀元後百八十七年甲戌六月沈記



(1)



(2)

위의 (1) 弘齋 (2) 承華藏圭 등 印信은 正祖가 圖書에 사용한 것이다.

奎章閣 11

1988年 12月 25日 印刷

1988年 12月 28日 發行

編輯兼 朴 秉 濠
發行人

印刷 서울대학교출판부

發行 서울대학교圖書館
